

**ЎЗБЕКИСТОН РЕСПУБЛИКАСИ**  
**ҚОНУН ҲУЖЖАТЛАРИ**  
**ТЎПЛАМИ**

**6-сон**  
**(90)**  
**2004 й.**  
**февраль**

---

*Ўзбекистон Республикаси Қонун ҳужжатлари тўплами беш бўлимдан иборат:*

*тўпламнинг биринчи бўлимида Ўзбекистон Республикаси қонунлари ва Олий Мажлиснинг қарорлари эълон қилинади;*

*иккинчи бўлимда Ўзбекистон Республикаси Президентининг фармон ва фармойишлари эълон қилинади;*

*учинчи бўлимда Вазирлар Маҳкамасининг қарор ва фармойишлари эълон қилинади;*

*тўртинчи бўлимда Ўзбекистон Республикаси Конституциявий судининг қарорлари эълон қилинади;*

*тўпламнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуққий ҳужжатлари эълон қилинади.*

**МУНДАРИЖА**

*Биринчи бўлим*

65. «Валютани тартибга солиш тўғрисида»ги Ўзбекистон Республикаси Қонунига ўзгартишлар ва қўшимчалар киритиш ҳақида» Ўзбекистон Республикасининг 2003 йил 11 декабрдаги 556–II-сон Қонуни
66. «Янги таҳрирдаги «Валютани тартибга солиш тўғрисида»ги Ўзбекистон Республикаси Қонунини амалга киритиш ҳақида» Ўзбекистон Республикаси Олий Мажлисининг 2003 йил 11 декабрдаги 557–II-сон қарори
67. «Ахборотлаштириш тўғрисида» Ўзбекистон Республикасининг 2003 йил 11 декабрдаги 560–II-сон Қонуни
68. «Ахборотлаштириш тўғрисида»ги Ўзбекистон Республикаси Қонунини амалга киритиш ҳақида» Ўзбекистон Республикаси Олий Мажлисининг 2003 йил 11 декабрдаги 561–II-сон қарори
69. «Ўзбекистон Республикасининг айрим қонун ҳужжатларига ўзгартишлар ва қўшимчалар киритиш тўғрисида» Ўзбекистон Республикасининг 2003 йил 12 декабрдаги 568–II-сон Қонуни

*Учинчи бўлим*

70. «Устувор инвестиция лойиҳаларини амалга ошириш учун хорижий инвестиция-

- ларни жалб этиш механизмини такомиллаштириш тўғрисида» Ўзбекистон Республикаси Вазирлар Маҳкамасининг 2004 йил 9 февралдаги 58-сон қарори
71. «Хорижий инвестициялар иштирокидаги устувор лойиҳаларни ҳисобга олишни тартибга солиш ва улар мониторингини олиб бориш чора-тадбирлари тўғрисида» Ўзбекистон Республикаси Вазирлар Маҳкамасининг 2004 йил 9 февралдаги 59-сон қарори
73. «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» Ўзбекистон Республикаси Вазирлар Маҳкамасининг 2004 йил 11 февралдаги 67-сон қарори
74. «Ўзбекистон Республикаси Вазирлар Маҳкамасининг «Давлат мулкани хусусийлаштиришда хорижий сармояларни жалб қилишни рағбатлантириш чора-тадбирлари тўғрисида» 1998 йил 18 ноябрдаги 477-сон қарорига ўзгартиришлар киритиш тўғрисида» Ўзбекистон Республикаси Вазирлар Маҳкамасининг 2004 йил 11 февралдаги 68-сон қарори

### *Бешинчи бўлим*

76. «Эркин омбор» божхона режими тўғрисидаги низомни тасдиқлаш ҳақида» Ўзбекистон Республикаси Давлат божхона қўмитасининг 2004 йил 20 январдаги 01-02/12-5-сон қарори. (*Ўзбекистон Республикаси Адлия вазирлиги томонидан 2004 йил 9 февралда 1309-сон билан давлат рўйхатидан ўтказилди*)
77. «Бюджет муассасалари ва ташкилотлари ходимларини моддий рағбатлантиришнинг махсус жамғармаси тўғрисидаги низомга ўзгартиришлар киритиш ҳақида» Ўзбекистон Республикаси Молия вазирининг 2004 йил 20 январдаги 22-сон буйруғи. (*Ўзбекистон Республикаси Адлия вазирлиги томонидан 2004 йил 9 февралда 177-2-сон билан давлат рўйхатидан ўтказилди*)
78. «Бошқарув аппарати ходимлари сони қисқариши муносабати билан бўшаб қоладиган маблағлардан фойдаланиш тартиби тўғрисидаги низомни тасдиқлаш ҳақида» Ўзбекистон Республикаси Молия вазирлиги, Меҳнат ва аҳолини ижтимоий ҳимоя қилиш вазирлигининг 2004 йил 20 январдаги 20, 72-сон қарори. (*Ўзбекистон Республикаси Адлия вазирлиги томонидан 2004 йил 9 февралда 1310-сон билан давлат рўйхатидан ўтказилди*)
79. «Алоҳида турдаги тадбиркорлик фаолияти билан шуғулланаётган юридик ва жисмоний шахслар учун қатъий белгиланган солиқни ҳисоблаб чиқариш ва тўлаш тартиби тўғрисидаги низомга ўзгартиришлар киритиш ҳақида» Ўзбекистон Республикаси Молия вазирлиги, Давлат солиқ қўмитасининг 2004 йил 30 февралдаги 27, 2004-17-сон қарори. (*Ўзбекистон Республикаси Адлия вазирлиги томонидан 2004 йил 13 февралда 1218-1-сон билан давлат рўйхатидан ўтказилди*)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2004 йил 7 февралдан 13 февралгача бўлган маълумот

## БИРИНЧИ БЎЛИМ

### ЎЗБЕКИСТОН РЕСПУБЛИКАСИНING ҚОНУНИ

## **65 «Валютани тартибга солиш тўғрисида»ги Ўзбекистон Республикаси Қонунига ўзгартишлар ва қўшимчалар киритиш ҳақида**

Ўзбекистон Республикасининг 1993 йил 7 майда қабул қилинган «Валютани тартибга солиш тўғрисида»ги Қонунига (Ўзбекистон Республикаси Олий Кенгашининг Ахборотномаси, 1993 йил, № 5, 225-модда; 1994 йил, № 11, 285-модда) ўзгартишлар ва қўшимчалар киритилиб, унинг янги таҳрири тасдиқлансин (илова қилинади).

### **Ўзбекистон Республикасининг Президенти И. КАРИМОВ**

Тошкент ш.,  
2003 йил 11 декабрь,  
556-II-сон

### **Валютани тартибга солиш тўғрисида (янги таҳрири)**

#### **1-модда. Ушбу Қонуннинг мақсади**

Ушбу Қонуннинг мақсади Ўзбекистон Республикаси ҳудудида валюта операцияларини амалга ошириш соҳасидаги муносабатларни тартибга солишдан иборат.

#### **2-модда. Валютани тартибга солиш тўғрисидаги қонун ҳужжатлари**

Валютани тартибга солиш тўғрисидаги қонун ҳужжатлари ушбу Қонун ва бошқа қонун ҳужжатларидан иборатдир.

Агар Ўзбекистон Республикасининг халқаро шартномасида Ўзбекистон Республикасининг валютани тартибга солиш тўғрисидаги қонун ҳужжатларида назарда тутилганидан бошқача қоидалар белгиланган бўлса, халқаро шартнома қоидалари қўлланилади.

#### **3-модда. Валюта бойликлари**

Чет эл валютаси, чет эл валютасидаги қимматли қоғозлар, чет эл валютасидаги тўлов ҳужжатлари ва соф қўйма олтин валюта бойликлари ҳисобланади.

Чет эл валютаси муомалада бўлган ҳамда хорижий давлатда қонуний тўлов воситаси ҳисобланган банкнотлар, хазина билетлари ва тангалар кўринишидаги чет эл пул белгилари, муомаладан чиқарилган ёки чиқарилаётган ҳамда худди шу хорижий давлатнинг пул белгиларига алмаштирилиши лозим бўлган чет эл пул бел-

гилари, шунингдек ҳисобварақларда ва омонатларда бўлган хорижий давлатларнинг пул бирликларидаги ҳамда халқаро пул ёки ҳисоб-китоб бирликларидаги маблағлардир.

Чет эл валютасидаги қимматли қоғозлар «Қимматли қоғозлар ва фонд биржаси тўғрисида»ги Ўзбекистон Республикаси Қонуни ёки хорижий давлатларнинг қонун ҳужжатларига мувофиқ қимматли қоғозлар жумласига киритилган, қиймати чет эл валютасида ифодаланган пул ҳужжатларидир.

#### **4-модда. Ўзбекистон Республикасининг резидентлари**

Ўзбекистон Республикасининг резидентлари (бундан буён матнда резидентлар деб юритилади) қуйидагилардир:

Ўзбекистон Республикасининг фуқаролари;

Ўзбекистон Республикасида доимий яшаш жойи бўлган чет эл фуқаролари ва фуқаролиги бўлмаган шахслар;

Ўзбекистон Республикасининг ҳудудида рўйхатдан ўтган юридик шахслар;

Ўзбекистон Республикасининг иммунитет ва дипломатик имтиёزلардан фойдаланадиган хориждаги дипломатия ҳамда бошқа ваколатхоналари, шунингдек Ўзбекистон Республикаси ташкилотларининг чет элдаги, хўжалик ёки бошқа тижорат фаолияти билан шуғулланмайдиган ваколатхоналари.

#### **5-модда. Ўзбекистон Республикасининг норезидентлари**

Ўзбекистон Республикасининг норезидентлари (бундан буён матнда норезидентлар деб юритилади) дейилганда ушбу Қонуннинг 4-моддасига мувофиқ резидентлар жумласига кирмайдиган шахслар тушунилади.

#### **6-модда. Валюта операциялари**

Валюта операцияларига қуйидагилар киради:

валюта бойликларига бўлган мулк ҳуқуқининг ва бошқа ҳуқуқларнинг ўзга шахсга ўтиши ҳамда валюта бойликларини тўлов воситаси сифатида ишлатиш билан боғлиқ операциялар;

валюта бойликларини Ўзбекистон Республикасига олиб кириш ва жўнатиш, шунингдек Ўзбекистон Республикасидан олиб чиқиш ва жўнатиш;

халқаро пул жўнатмаларини амалга ошириш;

резидентлар ва норезидентлар ўртасида миллий валютадаги операциялар.

Валюта операциялари жорий халқаро операцияларга ҳамда капитал ҳаракати билан боғлиқ валюта операцияларига бўлинади.

Ўзбекистон Республикаси ҳудудида соф қўйма олтин муомаласи тартиби қонун ҳужжатлари билан белгиланади.

#### **7-модда. Жорий халқаро операциялар**

Жорий халқаро операцияларга қуйидагилар киради:

ташқи савдо, бошқа жорий фаолият олиб борилиши, шу жумладан хизматлар кўрсатилиши муносабати билан, шунингдек одатдаги қисқа муддатли банк ва кредит механизмлари ишлаши муносабати билан тўланиши зарур барча тўловлар;

фоизлар ва бошқа даромадлар кўринишида, шу жумладан банк омонатлари, кредитлар ҳамда лизинг бўйича олинadиган фоизлар ва бошқа даромадлар шаклида, шунингдек бошқа инвестициялардан олинadиган соф даромад шаклида тўланиши зарур тўловлар;

кредитларни, қарзларни узиш учун ёки тўғридан-тўғри инвестициялар амортизацияси учун мақбул суммаларни тўлаш;

савдо билан боғлиқ бўлмаган пул жўнатмаларининг мақбул суммалари.  
Савдо билан боғлиқ бўлмаган пул жўнатмаларига қуйидагилар киради:  
иш ҳақи, стипендиялар, пенсиялар, алиментлар тўлаш;  
ходимларни Ўзбекистон Республикасидан ташқарига хизмат сафарига юбориш билан боғлиқ харажатларни тўлаш;  
таълим ва даволаниш учун ҳақ тўлаш;  
Ўзбекистон Республикасининг хорижий давлатлардаги дипломатия ва бошқа ваколатхоналари, шунингдек Ўзбекистон Республикасининг давлатлараро ёки ҳукуматлараро ташкилотлар ҳузуридаги доимий ваколатхоналари таъминоти учун ҳақ тўлаш;  
нотариал ва тергов ҳаракатлари билан боғлиқ тўловлар, шунингдек бундай ҳаракатларни амалга ошириш ва ишларни судларда кўриш муносабати билан давлат божи тўлаш;  
суднинг, арбитражнинг, шунингдек тергов ва бошқа ҳуқуқни муҳофаза қилувчи органларнинг қарорлари асосида пул маблағлари тўлаш;  
халқаро конгресслар, симпозиумлар, конференцияларда, спорт ва маданий тадбирларда, шунингдек бошқа халқаро учрашувлар, кўргазмалар ва ярмаркаларда иштирок этганлик учун тўловлар, инвестиция билан боғлиқ ва моддий харажатлар бундан мустасно;  
дафн қилиш билан боғлиқ тўловлар;  
муаллифлик ҳақини тўлаш, патент божларини тўлаш ва интеллектуал мулк соҳасидаги лицензия шартномаларининг мажбуриятлари бўйича ҳақ тўлаш;  
халқаро нотижорат ташкилотларига бадаллар;  
Ўзбекистон Республикаси Марказий банки томонидан белгиланадиган бошқа операциялар.  
Жорий халқаро операциялар ва чет эл валютасини улар билан боғлиқ ҳолда сотиб олиш ёки сотиш чекловларсиз амалга оширилади.

#### **8-модда. Капитал ҳаракати билан боғлиқ валюта операциялари**

Капитал ҳаракати билан боғлиқ валюта операцияларига жорий халқаро операциялар ҳисобланмайдиган барча операциялар, шу жумладан:  
инвестиция фаолиятини амалга ошириш;  
кредитлар олиш ва бериш, лизинг операцияларини амалга ошириш;  
кўчмас мулкни сотиб олиш ва сотиш;  
хорижий давлатлардан маблағларни ҳисобварақлар ва омонатларга жалб этиш ҳамда хорижий давлатларда маблағларни ҳисобварақлар ва омонатларга жойлаштириш киради.  
Ўзбекистон Республикасига тўғридан-тўғри хорижий инвестицияларни жалб этиш ва уларни репатриация қилиш, шунингдек тўғридан-тўғри хорижий инвестицияларни амалга ошириш муносабати билан олинган ҳуқуқлардан фойдаланиш чекловларсиз амалга оширилади.  
Ўзбекистон Республикасининг дипломатия ва бошқа ваколатхоналари эҳтиёжлари учун Ўзбекистон Республикасидан ташқарида кўчмас мулк объектларини олиш ва уларни қуриш бўйича капитал ҳаракати билан боғлиқ валюта операциялари Ўзбекистон Республикаси Вазирлар Маҳкамаси қарорига биноан амалга оширилади.  
Ўзбекистон Республикаси ҳудудида норезидентлар томонидан кўчмас мулкни олиш ва сотиш тартиби Ўзбекистон Республикаси Вазирлар Маҳкамаси томонидан белгиланади.  
Ўзбекистон Республикаси ҳудудида чет эл валютасидаги қимматли қоғозлар

муомаласи, резидентлар томонидан чет эл валютасидаги қимматли қоғозлар сотиб олиниши, шунингдек резидентлар чиқарган қимматли қоғозларнинг норезидентлар томонидан сотиб олиниши тартиби қимматли қоғозлар бозорини тартибга солиш ва мувофиқлаштириш бўйича ваколатли давлат органи томонидан Ўзбекистон Республикаси Марказий банки билан биргаликда белгиланади.

Ушбу модданинг иккинчи — бешинчи қисмларида назарда тутилмаган капитал ҳаракати билан боғлиқ валюта операциялари резидентлар томонидан Ўзбекистон Республикаси Марказий банки белгилайдиган тартибда амалга оширилади.

**9-модда. Чет эл валютаси билан боғлиқ бўлган ҳосила молиявий воситалар**

Чет эл валютаси билан боғлиқ бўлган ҳосила молиявий воситалар (валюта деривативлари) чет эл валютаси олди-сотдиси бўйича шартномалар бўлиб, уларда белгиланган мажбуриятлар муайян муддат ўтгач ёки чет эл валютасининг қийматига ёхуд унинг курси ўзгаришига боғлиқ равишда бажарилиши мумкин.

Чет эл валютаси билан боғлиқ бўлган ҳосила молиявий воситалар бўйича операциялар:

ваколатли банклар томонидан ўзаро ёки чет эл банклари билан чекловларсиз, очик валюта мавқеи лимити доирасида;

агар шартнома тузиш жорий халқаро операцияларни ўтказиш билан боғлиқ бўлса, банкларнинг мижозлари томонидан ваколатли банклар орқали амалга оширилади.

**10-модда. Ўзбекистон Республикасининг валютани тартибга солувчи давлат органи**

Ўзбекистон Республикаси Марказий банки Ўзбекистон Республикасида валютани тартибга солувчи давлат органидир.

Валютани тартибга солувчи давлат органи ўз ваколатлари доирасида:

Ўзбекистон Республикасида чет эл валютасининг ҳамда чет эл валютасидаги тўлов ҳужжатларининг муомаласи тартибини белгилайди;

миллий валютанинг чет эл валютасига нисбатан курсини аниқлаш механизмини белгилайди;

Ўзбекистон Республикаси ҳудудидаги банкларда норезидентлар томонидан миллий валютада ҳамда резидентлар ва норезидентлар томонидан чет эл валютасида ҳисобварақлар очиш ва уларни юритиш тартибини белгилайди;

резидент юридик шахслар томонидан Ўзбекистон Республикасидан ташқаридаги банкларда ҳисобварақлар очиш тартибини белгилайди;

резидентлар ва норезидентлар томонидан Ўзбекистон Республикаси ҳудудида миллий валютада чет эл валютасини сотиб олиш ва сотиш тартибини белгилайди;

Ўзбекистон Республикасида ва ундан ташқарида барча турдаги валюта операцияларини амалга оширади;

чет эл валютасида операцияларни амалга ошириш учун банкларга лицензиялар беришнинг умумий қоидаларини белгилайди, бундай лицензияларни беради ва қақириб олади, шунингдек банклар фаолиятини назорат қилади ва тартибга солиб туради;

жорий халқаро операцияларни амалга ошириш билан боғлиқ бўлган одатдаги қисқа муддатли банк ва кредит механизмлари муддатининг чегарасини белгилайди;

кредитларни, қарзларни узиш учун ёки тўғридан-тўғри инвестициялар амортизацияси учун тўловларнинг мақбул суммалари миқдорини белгилайди;

чет эл валютаси билан боғлиқ бўлган ҳосила молиявий воситалар билан операциялар ўтказиш тартибини белгилайди;

капитал ҳаракати билан боғлиқ айрим валюта операцияларини амалга ошириш тартибини белгилайди;

ваколатли банклар реестрини юритади ва эълон қилади;

ваколатли банклар учун очик валюта мавқеи лимитларини белгилайди;

қабул қилинган халқаро стандартларга мувофиқ валюта операциялари статистикасини тайёрлайди ва эълон қилади;

чет эл валютасидаги тушумнинг бир қисмини резидентлар томонидан мажбурий тарзда сотишнинг миқдори ва тартибини белгилайди;

валютани тартибга солиш масалалари бўйича барча юридик ва жисмоний шахслар бажариши мажбурий бўлган норматив ҳужжатлар қабул қилади, шунингдек қонун ҳужжатларига мувофиқ бошқа ваколатларни амалга оширади.

### **11-модда. Ваколатли банклар**

Чет эл валютасида операцияларни амалга ошириш учун лицензияга эга бўлган банклар ваколатли банклардир.

Ваколатли банклар:

Ўзбекистон Республикаси ҳудудида очик валюта мавқеи лимити доирасида чет эл валютасини сотиб олиш ва сотиш бўйича, шу жумладан ҳосила молиявий воситалар асосида чет эл валютасини сотиб олиш ва сотиш бўйича бевосита ўзаро, ўз миқдорлари билан ҳамда валюта биржалари орқали, шунингдек халқаро бозорларда операцияларни амалга оширишга;

Ўзбекистон Республикасининг банкларида ва чет эл банкларида вакиллик ҳисобварақларига ҳамда бошқа ҳисобварақларга эга бўлишга;

нақд чет эл валютасини ҳамда чет эл валютасидаги тўлов ҳужжатларини жисмоний шахслардан сотиб олиш ва уларга сотиш операцияларини амалга ошириш учун айирбошлаш шохобчаларини очишга ҳақлидир.

Ваколатли банклар қонун ҳужжатларига мувофиқ бошқа ҳуқуқларга ҳам эга бўлиши мумкин.

### **12-модда. Валюта операцияларини амалга оширишга доир чекловлар**

Валюта операцияларини амалга оширишга доир чекловлар жиноий фаолиятдан олинган даромадларни легаллаштиришга ҳамда терроризмни молиялаштиришга қарши курашиш мақсадида белгиланиши мумкин.

Ўзбекистон Республикаси Марказий банки иқтисодий хавфсизликка таҳдид юзага келганда валюта операцияларини амалга оширишни вақтинча тўхтатиб қўйишга ёки уларга доир чекловлар жорий этишга ҳақли.

### **13-модда. Жисмоний шахсларнинг валюта бойликлари ва улардан фойдаланилиши**

Жисмоний шахслар:

ўз мулкида Ўзбекистон Республикасига олиб кирилган, ўтказилган ёки жўнатилган, Ўзбекистон Республикасида олинган ёки сотиб олинган валюта бойликларига эга бўлишга;

ваколатли банкларда ва уларнинг филиалларида чет эл валютасида ҳисобварақлар очиш ҳамда омонатлар қўйишга;

банк ҳисобварақларини очган ҳолда ёки бундай ҳисобварақларни очмай туриб халқаро пул жўнатмаларини амалга оширишга;

валюта бойликларини қонун ҳужжатларида белгиланган тартибда Ўзбекистон Республикасига ўтказиш, олиб кириш ва жўнатишга, шунингдек Ўзбекистон Республикасидан ўтказиш, олиб чиқиш ва жўнатишга;

валюта бойликларидан қонун ҳужжатларига мувофиқ мустақил равишда фойдаланишга;

қонун ҳужжатларига мувофиқ бошқа ҳуқуқларга ҳам эга бўлишга ҳақли.

**14-модда. Ўзбекистон Республикаси ҳудудида чет эл валютасини сотиб олиш ва сотиш**

Ўзбекистон Республикаси ҳудудида чет эл валютасини сотиб олиш ва сотиш: юридик шахслар томонидан ваколатли банклар орқали;

жисмоний шахслар томонидан ваколатли банклар, уларнинг филиаллари ва айирбошлаш шохобчалари орқали амалга оширилади.

**15-модда. Миллий валютанинг чет эл валютасига нисбатан курси**

Ўзбекистон Республикаси ҳудудида чет эл валютасини сотиб олиш ва сотиш бўйича операциялар миллий валютанинг чет эл валютасига нисбатан чет эл валютасига бўлган талаб ҳамда таклифнинг жорий нисбати асосида шаклландиган алмашув курси бўйича амалга оширилади.

Ўзбекистон Республикаси Марказий банки валюта операциялари бўйича бухгалтерия ҳисоби, статистика ҳисоботи ҳамда бошқа ҳисобот мақсадлари учун, шунингдек Ўзбекистон Республикаси ҳудудида божхона ва бошқа мажбурий тўловларни ҳисоблаш учун миллий валютанинг чет эл валютасига нисбатан курсини мунтазам равишда белгилаб боради.

**16-модда. Резидентларнинг ҳисобварақлари**

Резидентлар Ўзбекистон Республикаси ҳудудидаги ваколатли банкларда Ўзбекистон Республикаси Марказий банки томонидан белгиланган тартибда чет эл валютасида ҳисобварақлар очишлари мумкин.

Резидент юридик шахсларнинг чет эл валютасидаги маблағлари Ўзбекистон Республикаси ҳудудидаги ваколатли банклардаги валюта ҳисобварақларида сақланади ва улар томонидан қонун ҳужжатларига мувофиқ мустақил равишда фойдаланилади.

Резидент юридик шахслар томонидан олинандиган чет эл валютаси, шу жумладан товарлар (ишлар, хизматлар) экспортдан олинган валюта тушуми, агар Ўзбекистон Республикаси Марказий банки бошқача қоида белгилаган бўлмаса, уларнинг ваколатли банклардаги ҳисобварақларига ўтказилиши шарт.

Резидент юридик шахслар Ўзбекистон Республикасидан ташқаридаги банкларда Ўзбекистон Республикаси Марказий банки томонидан белгиланган тартибда миллий валютада ва чет эл валютасида ҳисобварақлар очишга ҳамда улардан фойдаланишга ҳақлидир.

Ўзбекистон Республикасининг резидент жисмоний шахслари, дипломатия ва бошқа ваколатхоналари, шунингдек Ўзбекистон Республикаси ташкилотларининг чет элдаги, хўжалик ёки бошқа тижорат фаолияти билан шуғулланмайдиган ваколатхоналари Ўзбекистон Республикасидан ташқарида ҳисобварақлар очишига ҳамда бу ҳисобварақлардан фойдаланишига уларнинг фақат хорижда бўлиши ва фаолият кўрсатиши даврида йўл қўйилади. Уларнинг чет элда бўлиши ёки фаолият кўрсатиши тугагач, ҳисобварақлар ёпилиши лозим, ҳисобварақлардаги маблағларнинг қолдиқлари эса Ўзбекистон Республикасига ўтказилади.



**17-модда. Ўзбекистон Республикаси ҳудудида норезидентларнинг ҳисобварақлари**

Ўзбекистон Республикасида вақтинча турган норезидент жисмоний шахслар, иммунитет ҳамда дипломатик имтиёزلардан фойдаланадиган чет эл дипломатия ва бошқа расмий ваколатхоналари, халқаро ташкилотлар ҳамда уларнинг филиаллари, шунингдек хорижий ташкилотларнинг Ўзбекистон Республикасида ҳўжалик ёки бошқа тижорат фаолияти билан шуғулланмайдиган ваколатхоналари Ўзбекистон Республикаси ҳудудидаги ваколатли банкларда миллий валютада ва чет эл валютасида ҳисобварақлар очишга ҳамда улардан фойдаланишга ҳақлидир.

Ваколатли банкларнинг вакиллари бўлган чет эл банклари ваколатли банкларда миллий валютада ва чет эл валютасида вакиллик ҳисобварақлари ҳамда бошқа ҳисобварақлар очиш ҳуқуқига эга.

**18-модда. Ўзбекистон Республикаси ҳудудида чет эл валютасида ҳисоб-китоблар ва тўловлар**

Ўзбекистон Республикаси ҳудудида барча ҳисоб-китоблар ва тўловлар миллий валютада амалга оширилади, ушбу модданинг иккинчи қисмида назарда тутилган ҳоллар бундан мустасно.

Ўзбекистон Республикаси ҳудудида ҳисоб-китоблар ва тўловларни чет эл валютасида амалга оширишга қуйидаги ҳолларда йўл қўйилади:

қонун ҳужжатларида белгиланган тартибда кредитларни олиш ва қайтаришда; ваколатли банклардаги омонатларга пул маблағлари қўйишда, омонатлар бўйича фойзалар тўлашда;

банкнинг чет эл валютасидаги операциялар бўйича воситачилик ҳақини ундиришда;

чет эл валютасида ифодаланган банк кафолатларини бериш ва улар юзасидан тўловларни амалга оширишда;

ваколатли банклар, уларнинг филиаллари ва айирбошлаш шохобчалари орқали чет эл валютасини сотиб олиш ва сотишда;

юридик шахсларнинг устав фондига (устав капиталига) қонун ҳужжатларида белгиланган тартибда валюта бойликларини киритишда;

хайрия мақсадларида амалга ошириладиган операцияларда;

мерос ҳуқуқи бўйича валюта бойликларини олишда;

божсиз савдо дўконларидаги ҳисоб-китоблар, шунингдек халқаро йўналишларда ташишда транспорт воситаларининг қатнов йўлларида йўловчиларга товарлар сотиш ва хизматлар кўрсатишдаги ҳисоб-китоблар билан боғлиқ операцияларда;

норезидентлар билан товарларни бошқага ўтказиш, ишлар бажариш, хизматлар кўрсатиш, ахборотни, интеллектуал фаолият натижаларини, шу жумладан уларга бўлган мутлақ ҳуқуқларни бошқага ўтказиш тўғрисида шартномалар тузиш ва уларни бажариш билан боғлиқ хизматлар комиссиянерлар (агентлар) томонидан кўрсатилаётганда комиссиянерлар (агентлар) ва комитентлар (принципаллар) ўртасида амалга ошириладиган операцияларда;

Ўзбекистон Республикасидан олиб чиқиладиган ёки Ўзбекистон Республикасига олиб кириладиган юкнинг транзити, уни ташиш билан боғлиқ хизматлар экспедитор, ташувчи ва фрахтчи томонидан кўрсатилаётганда транспорт экспедицияси, ташиш ҳамда чартер (фрахтлаш) шартномалари бўйича операцияларда;

қимматли қоғозларни қонун ҳужжатларида назарда тутилган ҳолларда сотиб олиш ва сотишда;

резидентлар томонидан резидентлар ҳамда норезидентлардан пластик тўлов ва кредит карточкалари бўйича тўловларни қабул қилишда;

қонун ҳужжатларида белгиланган тартибда суғурта ва қайта суғурта шартномалари бўйича ўзаро ҳисоб-китобларни амалга оширишда;  
қонун ҳужжатларида белгиланган бошқа ҳолларда.

**19-модда. Нақд чет эл валютаси ва миллий валютани олиб кириш ҳамда олиб чиқиш**

Жисмоний шахсларнинг Ўзбекистон Республикаси ҳудудига нақд чет эл валютасини олиб кириши чекловларсиз амалга оширилади.

Резидент жисмоний шахслар нақд чет эл валютасини олиб чиқиш ҳуқуқини тасдиқловчи ҳужжатларни кўрсатмасдан қонун ҳужжатларида белгиланган миқдордаги нақд чет эл валютасини Ўзбекистон Республикасидан бир йўла олиб чиқишлари мумкин.

Қонун ҳужжатларида белгиланган миқдордан ортиқ бўлган нақд чет эл валютасининг резидент жисмоний шахслар томонидан олиб чиқилиши уларда Ўзбекистон Республикаси Марказий банки ёки ваколатли банклар томонидан бериладиган, Ўзбекистон Республикасидан нақд чет эл валютасини олиб чиқиш ҳуқуқини тасдиқловчи ҳужжатлар бўлган тақдирда амалга оширилади.

Норезидент жисмоний шахслар:

божхона декларациясига мувофиқ олиб кирилган нақд чет эл валютаси миқдордаги нақд чет эл валютасини;

Ўзбекистон Республикаси Марказий банки ва ваколатли банклар томонидан бериладиган, уларнинг нақд чет эл валютасини олиб чиқиш ҳуқуқини тасдиқловчи ҳужжатлар бўлган тақдирда эса олиб кирилган нақд чет эл валютасидан қўп бўлган миқдордаги нақд чет эл валютасини Ўзбекистон Республикасидан бир йўла олиб чиқишлари мумкин.

Резидент ҳамда норезидент юридик шахслар томонидан нақд чет эл валютаси ва миллий валютани олиб кириш ҳамда олиб чиқиш бўйича операцияларни амалга ошириш тақиқланади, Ўзбекистон Республикаси Марказий банки ва ваколатли банклар бундан мустасно.

Ваколатли банклар томонидан нақд чет эл валютаси ва миллий валютани олиб кириш ҳамда олиб чиқиш Ўзбекистон Республикаси Марказий банкининг рухсатномаси бўлган тақдирда амалга оширилади.

Резидент ва норезидент жисмоний шахсларнинг нақд миллий валютани олиб кириши ҳамда олиб чиқиши қонун ҳужжатларида белгиланган тартибда амалга оширилади.

**20-модда. Валютани назорат қилувчи органлар**

Ўзбекистон Республикаси Марказий банки, Молия вазирлиги, Давлат солиқ қўмитаси ва Давлат божхона қўмитаси Ўзбекистон Республикасида валютани назорат қилувчи органлардир.

Ўзбекистон Республикасида резидентлар ва норезидентлар томонидан амалга ошириладиган валюта операцияларининг қонун ҳужжатларига мувофиқлигини валютани назорат қилувчи органлар ўз ваколатлари доирасида белгиланган тартибда назорат қиладилар.

**21-модда. Валюта операциялари бўйича ҳисобот**

Валюта операциялари бўйича ҳисобот тақдим этиш тартибини, ҳисоботнинг турлари, шакли ва уни тақдим этиш муддатларини Ўзбекистон Республикаси Марказий банки валютани назорат қилувчи бошқа органлар билан биргаликда уларнинг ўз ваколатлари доирасида белгилайди.

Норезидентларнинг валюта операциялари бўйича ҳисобот тақдим этишига доир талаблар валюта операцияларининг фақат Ўзбекистон Республикаси ҳудудида амалга оширилган қисмига нисбатан белгиланиши мумкин.

Жисмоний шахслар чет эл валютасини сотиб олиш ва сотиш бўйича ҳисобот тақдим этмайдилар.

**22-модда. Низоларни ҳал қилиш**

Валюта операцияларини амалга ошириш соҳасидаги низолар қонун ҳужжатларида белгиланган тартибда ҳал қилинади.

**23-модда. Валютани тартибга солиш тўғрисидаги қонун ҳужжатларини бузганлик учун жавобгарлик**

Валютани тартибга солиш тўғрисидаги қонун ҳужжатларини бузганликда айбдор шахслар белгиланган тартибда жавобгар бўладилар.

ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ ҚАРОРИ

**66 Янги таҳрирдаги «Валютани тартибга солиш тўғрисида»ги Ўзбекистон Республикаси Қонунини амалга киритиш ҳақида**

Ўзбекистон Республикаси Олий Мажлиси **қарор қилади:**

1. Янги таҳрирдаги «Валютани тартибга солиш тўғрисида»ги Ўзбекистон Республикаси Қонуни матбуотда эълон қилинган кундан эътиборан амалга киритилсин.

2. Ўзбекистон Республикаси Ҳукумати (Ш. Мирзиёев) ўз қарорларини янги таҳрирдаги «Валютани тартибга солиш тўғрисида»ги Ўзбекистон Республикаси Қонунига мувофиқлаштиради, вазирликлар, давлат қўмиталари ва идоралар ушбу Қонунга зид бўлган ўз норматив ҳужжатларини қайта кўриб чиқишлари ҳамда бекор қилишларини таъминласин.

**Ўзбекистон Республикаси Олий Мажлисининг Раиси Э. ХАЛИЛОВ**

Тошкент ш.,  
2003 йил 11 декабрь,  
557-II-сон

## ЎЗБЕКИСТОН РЕСПУБЛИКАСИНING ҚОНУНИ

**67** Ахборотлаштириш тўғрисида**1-модда. Ушбу Қонуннинг мақсади**

Ушбу Қонуннинг мақсади ахборотлаштириш, ахборот ресурслари ва ахборот тизимларидан фойдаланиш соҳасидаги муносабатларни тартибга солишдан иборат.

**2-модда. Ахборотлаштириш тўғрисидаги қонун ҳужжатлари**

Ахборотлаштириш тўғрисидаги қонун ҳужжатлари ушбу Қонун ва бошқа қонун ҳужжатларидан иборатдир.

Агар Ўзбекистон Республикасининг халқаро шартномасида Ўзбекистон Республикасининг ахборотлаштириш тўғрисидаги қонун ҳужжатларида назарда тутилганидан бошқача қоидалар белгиланган бўлса, халқаро шартнома қоидалари қўлланилади.

**3-модда. Асосий тушунчалар**

Ушбу Қонунда қуйидаги асосий тушунчалар қўлланилади:

**ахборотлаштириш** — юридик ва жисмоний шахсларнинг ахборотга бўлган эҳтиёжларини қондириш учун ахборот ресурслари, ахборот технологиялари ҳамда ахборот тизимларидан фойдаланган ҳолда шароит яратишнинг ташкилий ижтимоий-иқтисодий ва илмий-техникавий жараёни;

**ахборот ресурси** — ахборот тизими таркибидаги электрон шаклдаги ахборот, маълумотлар банки, маълумотлар базаси;

**ахборот ресурсларининг ёки ахборот тизимларининг мулкдори** — ахборот ресурсларига ёки ахборот тизимларига эгалик қилувчи, улардан фойдаланувчи ва уларни тасарруф этувчи юридик ёки жисмоний шахс;

**ахборот ресурсларининг ёки ахборот тизимларининг эгаси** — қонун билан ёки ахборот ресурсларининг, ахборот тизимларининг мулкдори томонидан белгиланган ҳуқуқлар доирасида ахборот ресурсларига ёхуд ахборот тизимларига эгалик қилувчи, улардан фойдаланувчи ва уларни тасарруф этувчи юридик ёки жисмоний шахс;

**ахборот технологияси** — ахборотни тўплаш, сақлаш, излаш, унга ишлов бериш ва уни тарқатиш учун фойдаланиладиган жами услублар, қурилмалар, усуллар ва жараёнлар;

**ахборот тизими** — ахборотни тўплаш, сақлаш, излаш, унга ишлов бериш ҳамда ундан фойдаланиш имконини берадиган, ташкилий жиҳатдан тартибга солинган жами ахборот ресурслари, ахборот технологиялари ва алоқа воситалари.

**4-модда. Ахборотлаштириш соҳасидаги давлат сиёсати**

Ахборотлаштириш соҳасидаги давлат сиёсати ахборот ресурслари, ахборот технологиялари ва ахборот тизимларини ривожлантириш ҳамда такомиллаштиришнинг замонавий жаҳон тамойилларини ҳисобга олган ҳолда миллий ахборот тизimini яратишга қаратилган.

Ахборотлаштириш соҳасидаги давлат сиёсатининг асосий йўналишлари қуйидагилардан иборат:

хар кимнинг ахборотни эркин олиш ва тарқатишга доир конституциявий ҳуқуқларини амалга ошириш, ахборот ресурсларидан эркин фойдаланилишини таъминлаш; давлат органларининг ахборот тизимлари, тармоқ ва ҳудудий ахборот тизим-

лари, шунингдек юридик ҳамда жисмоний шахсларнинг ахборот тизимлари асосида Ўзбекистон Республикасининг ягона ахборот маконини яратиш;

халқаро ахборот тармоқлари ва Интернет жаҳон ахборот тармоғидан эркин фойдаланиш учун шароит яратиш;

давлат ахборот ресурсларини шакллантириш, ахборот тизимларини яратиш ҳамда ривожлантириш, уларнинг бир-бирига мослигини ва ўзаро алоқада ишлашини таъминлаш;

ахборот технологияларининг замонавий воситалари ишлаб чиқарилишини ташкил этиш;

ахборот ресурслари, хизматлари ва ахборот технологиялари бозорини шакллантиришга қўмаклашиш;

дастурий маҳсулотлар ишлаб чиқариш ривожлантирилишини рағбатлантириш; тадбиркорликни қўллаб-қувватлаш ва рағбатлантириш, инвестицияларни жалб этиш учун қулай шароит яратиш;

кадрлар тайёрлаш ва уларнинг малакасини ошириш, илмий тадқиқотларни рағбатлантириш.

**5-модда. Ахборотлаштириш соҳасини давлат томонидан тартибга солиш**

Ахборотлаштириш соҳасини давлат томонидан тартибга солишни Ўзбекистон Республикаси Вазирлар Маҳкамаси ва у махсус ваколат берган орган амалга оширади.

**6-модда. Махсус ваколатли орган**

Махсус ваколатли орган:

давлат ахборот ресурсларини шакллантириш ишларини ташкил этади ва мувофиқлаштиради;

ахборотлаштириш ва ахборот технологияларини ривожлантириш давлат дастурларини ишлаб чиқади;

давлат органларининг ахборот тизимлари, тармоқ ва ҳудудий ахборот тизимлари яратилишига қўмаклашади;

ахборотлаштириш соҳасидаги стандартлар, нормалар ва қоидаларни ишлаб чиқади;

ахборот тизимлари ва ахборот технологияларининг техника воситалари ҳамда хизматларини сертификатлаштириш ишларини ташкил этади;

юридик ва жисмоний шахсларнинг ўз ахборот ресурслари ҳамда ахборот тизимлари муҳофаза этилишини таъминлаш борасидаги фаолиятини мувофиқлаштиради;

ахборот ресурслари, хизматлари ва ахборот технологиялари бозорини ривожлантиришга қўмаклашади;

ахборотлаштириш соҳасида маркетинг тадқиқотлари ва мониторингни ташкил этади;

ахборот ресурсларидан фойдаланувчиларнинг ҳуқуқлари ва қонуний манфаатларини ҳимоя қилиш чораларини амалга оширади;

Ўзбекистон Республикасининг мудофаа қобиляти ва хавфсизлиги манфаатларини кўзлаб ахборот хавфсизлигини ҳамда ахборот тизимларидан устувор фойдаланилишини таъминлайди;

қонун ҳужжатларига мувофиқ бошқа ваколатларни амалга оширади.

**7-модда. Ахборот ресурслари ва ахборот тизимларининг ҳуқуқий режими**

Ахборот ресурслари ва ахборот тизимларининг ҳуқуқий режими қуйидагиларни белгиловчи нормалар билан аниқланади:

ахборотни ҳужжатлаштириш, ахборот ресурсларини шакллантириш ва ахборот тизимларини яратиш тартибини;  
ахборот ресурсларига ва ахборот тизимларига бўлган мулк ҳуқуқини;  
ахборот ресурсларининг улардан эркин фойдаланиш даражаси бўйича тоифасини;  
ахборот ресурслари ва ахборот тизимларини муҳофаза қилиш тартибини;  
ахборот тизимларининг тармоқлараро уланиши тартибини.

**8-модда. Ахборотни ҳужжатлаштириш**

Ахборотни ҳужжатлаштириш ахборотни ахборот ресурсларига киритишнинг мажбурий шартидир. Ахборотни ҳужжатлаштириш тартиби махсус ваколатли орган томонидан белгиланади.

Ахборот ресурсларида сақланадиган ва ишлов бериладиган, электрон рақамли имзо билан тасдиқланган ахборот электрон ҳужжат бўлиб, қоғоз ҳужжат билан бир хил юридик кучга эга.

Электрон ҳужжатни ва электрон рақамли имзони шакллантириш ҳамда улардан фойдаланиш билан боғлиқ муносабатлар қонун билан тартибга солинади.

**9-модда. Ахборот ресурслари ва ахборот тизимларига бўлган мулк ҳуқуқи**

Ўзбекистон Республикасида ахборот ресурслари ва ахборот тизимлари оммавий ҳамда хусусий мулк бўлиши мумкин.

Ахборот ресурслари ва ахборот тизимларига бўлган мулк ҳуқуқининг вужудга келишига қуйидагилар асос бўлади:

ахборот ресурслари ҳамда ахборот тизимларининг давлат бюджети маблағлари, юридик ва жисмоний шахсларнинг ўз маблағлари ёки қонун ҳужжатлари билан тақиқланмаган бошқа манбалар ҳисобидан яратилиши;

ахборот ресурслари ва ахборот тизимларига бўлган мулк ҳуқуқининг ўзга шахсга ўтиши шартларини ўз ичига олган олди-сотди шартномаси ёки бошқа битим; мерос олиш.

Қонунда ахборот ресурслари ва ахборот тизимларига бўлган мулк ҳуқуқи вужудга келишининг бошқа асослари ҳам назарда тутилиши мумкин.

**10-модда. Давлат ахборот ресурслари**

Давлат ахборот ресурслари қуйидагилардан шакллантирилади:

давлат органларининг ахборот ресурсларидан;

юридик ва жисмоний шахсларнинг давлат бюджети маблағлари ҳисобидан яратилган ахборот ресурсларидан;

юридик ва жисмоний шахсларнинг давлат сирлари ҳамда махфий ахборотни ўз ичига олган ахборот ресурсларидан;

юридик ва жисмоний шахсларнинг белгиланган тартибда тақдим этиладиган ҳужжатлаштирилган ахборотидан.

Юридик ва жисмоний шахслар ҳужжатлаштирилган ахборотни давлат ахборот ресурсларини шакллантириш учун тегишли давлат органларига белгиланган тартибда тақдим этиши шарт.

Юридик ва жисмоний шахсларнинг ҳужжатлаштирилган ахборотни мажбурий тақдим этиши тартиби, давлат ахборот ресурсларини шакллантириш ҳамда улардан фойдаланиш учун масъул давлат органларининг рўйхати Ўзбекистон Республикаси Вазирлар Маҳкамаси томонидан белгиланади.

Давлат сирлари ва махфий ахборот жумласига киритилган ахборотни тақдим этиш тартиби қонун ҳужжатлари билан белгиланади.

**11-модда. Ахборот ресурсларидан эркин фойдаланиш тоифалари**

Ахборот ресурслари улардан эркин фойдаланиш тоифалари бўйича ҳамма эркин фойдаланиши мумкин бўлган ахборот ресурсларига ва эркин фойдаланилиши чеклаб қўйилган ахборот ресурсларига бўлинади.

Чекланмаган доирадаги фойдаланувчилар учун мўлжалланган ахборот ресурслари ҳамма эркин фойдаланиши мумкин бўлган ахборот ресурсларидир.

Давлат сирлари тўғрисидаги ахборотни ва махфий ахборотни ёки эркин фойдаланилиши ахборот ресурсларининг мулкдорлари томонидан чеклаб қўйилган ахборотни ўз ичига олган ахборот ресурслари эркин фойдаланилиши чеклаб қўйилган ахборот ресурсларига киради.

Ахборот ресурсларининг мулкдорлари ва эгалари ҳамма эркин фойдаланиши мумкин бўлган ахборот ресурсларидан юридик ҳамда жисмоний шахсларнинг тенг ҳуқуқ асосида эркин тарзда фойдаланишини таъминлаши керак.

Ахборот ресурсларини эркин фойдаланиш тоифаларига киритиш қонун ҳужжатларида белгиланган тартибда ахборот ресурсларининг мулкдори томонидан аниқланади.

**12-модда. Ахборот ресурсларидан фойдаланиш**

Ахборот ресурсларидан фойдаланувчилар ахборот ресурсларидан эркин фойдаланишда тенг ҳуқуқларга эга, эркин фойдаланилиши чеклаб қўйилган ахборот ресурслари бундан мустасно.

Ахборот ресурсларидан фойдаланганлик учун белгиланган тартибда ҳақ олиниши мумкин.

Ахборот билан таъминлашга доир ахборот ва хизматлар рўйхатларини, ахборот ресурсларидан эркин фойдаланиш тартиби ҳамда шартлари ҳақидаги маълумотларни ахборот ресурсларининг мулкдорлари ва эгалари фойдаланувчиларга бепул тақдим этади.

Юридик ва жисмоний шахслар қонуний асосларда ахборот ресурсларидан ўзлари олган ахборотдан ахборот манбаини албатта ҳавола этган ҳолда ҳосила ахборот яратиш учун фойдаланишлари мумкин.

Ахборот ресурсларидан ахборот олиш тартибини ахборот ресурсларининг мулкдори ёки эгаси қонун ҳужжатларида белгиланган талабларга риоя этган ҳолда аниқлайди.

**13-модда. Жисмоний шахсларнинг шахсига тааллуқли маълумотлар тўғрисидаги ахборотни ўз ичига олган ахборот ресурслари**

Жисмоний шахсларнинг шахсига тааллуқли маълумотлар тўғрисидаги ахборотни ўз ичига олган ахборот ресурсларини шакллантириш ва улардан фойдаланиш тартиби қонун ҳужжатлари билан белгиланади.

Жисмоний шахсларнинг шахсига тааллуқли маълумотлар тўғрисидаги ахборот махфий ахборот тоифасига киради.

**14-модда. Ўзлари тўғрисидаги маълумотларни ичига олган ахборот ресурсларидан юридик ва жисмоний шахсларнинг эркин фойдаланиши**

Юридик ва жисмоний шахслар ўзлари тўғрисидаги маълумотларни ичига олган

ахборот ресурсларидан эркин фойдаланиш, мазкур маълумотларнинг тўлиқлиги ҳамда тўғрилигини таъминлаш мақсадида уларга аниқликлар киритиш ҳуқуқига эга.

Ўзлари тўғрисидаги маълумотларни ичига олган ахборот ресурсларидан юридик ва жисмоний шахсларнинг эркин фойдаланиши қонун билан чекланиши мумкин.

Юридик ва жисмоний шахсларга ўзлари тўғрисидаги маълумотларни ичига олган ахборот ресурсларидан эркин фойдаланишни ахборот ресурсларининг мулкдори ёки эгаси рад этганлиги устидан судга шикоят қилиниши мумкин.

#### **15-модда. Миллий ахборот тизими**

Миллий ахборот тизимида давлат органларининг ахборот тизимлари, тармоқ ва ҳудудий ахборот тизимлари, шунингдек юридик ҳамда жисмоний шахсларнинг ахборот тизимлари қиради.

Миллий ахборот тизими давлат бюджети маблағлари, шунингдек юридик ва жисмоний шахсларнинг ўз маблағлари ҳамда қонун ҳужжатларида тақиқланмаган бошқа манбалар ҳисобидан яратилади.

Миллий ахборот тизими унинг таркибига кирувчи ахборот тизимларининг халқаро ахборот тизимлари билан бир-бирига мослигини ҳисобга олган ҳолда яратилади.

Миллий ахборот тизимидан фойдаланган ҳолда ахборот алмашиш шартнома асосида амалга оширилади, қонун ҳужжатларида назарда тутилган ҳоллар бундан мустасно.

#### **16-модда. Ахборот тизимларидан битимлар тузишда фойдаланиш**

Юридик ва жисмоний шахслар ўртасида битимлар тузишда ахборот тизимларидан фойдаланиш қонун ҳужжатлари билан тартибга солинади.

#### **17-модда. Ахборот тизимларининг техника воситаларини сертифицикатлаштириш**

Ахборот тизимларини ташкил қилувчи техника воситалари қонун ҳужжатларида белгиланган тартибда сертифицикатлаштирилиши керак.

Давлат органлари ахборот тизимларининг, тармоқ ва ҳудудий ахборот тизимларининг, юридик ҳамда жисмоний шахслар ахборот тизимларининг давлат сирлари ёки махфий ахборотни ўз ичига олган ахборотни ишловдан ўтказиш учун мўлжалланган техника воситалари, шунингдек мазкур тизимларни муҳофаза қилиш воситалари мажбурий сертифицикатлаштирилиши лозим.

#### **18-модда. Ахборот тизимларининг тармоқлараро боғланиши**

Ахборот тизимларининг тармоқлараро боғланиши турли ахборот тизимлари ўртасида ахборот алмашиш учун амалга оширилади.

Белгиланган нормалар ва қоидаларга мувофиқ ўзаро тармоқлараро боғланиш имкониятини ахборот тизимларининг мулкдорлари, эгалари таъминлайди.

Турли ахборот тизимларининг тармоқлараро боғланиши ахборот тизимларининг мулкдорлари, эгалари ўртасидаги шартнома асосида амалга оширилади.

Тармоқлараро боғланишни амалга ошириш ҳамда турли ахборот тизимларининг ўзаро алоқада бўлиш тартиби ва шартлари махсус ваколатли орган томонидан белгиланади.

#### **19-модда. Ахборот ресурслари ва ахборот тизимларини муҳофаза қилиш**

Ахборот ресурслари ва ахборот тизимларини муҳофаза қилиш қўйидаги мақсадларда амалга оширилади:



шахс, жамият ва давлатнинг ахборот хавфсизлигини таъминлаш;

ахборот ресурсларининг тарқалиб кетиши, ўғирланиши, йўқотилиши, бузиб талқин этилиши, тўсиб қўйилиши, қалбакилаштирилиши ва улардан бошқача тарзда рухсатсиз эркин фойдаланилишининг олдини олиш;

ахборотни йўқ қилиш, тўсиб қўйиш, ундан нусха олиш, уни бузиб талқин этишга доир рухсатсиз ҳаракатларнинг ҳамда ахборот ресурслари ва ахборот тизимларига бошқа шаклдаги аралашиларнинг олдини олиш;

ахборот ресурсларидаги мавжуд давлат сирлари ва махфий ахборотни сақлаш.

**20-модда. Ахборот ресурслари ва ахборот тизимлари муҳофаза қилинишини ташкил этиш**

Ахборот ресурслари ва ахборот тизимлари, агар улар билан ғайриқонуний муносабатда бўлиш натижасида ахборот ресурсларининг ёки ахборот тизимларининг мулкдорларига, эгаларига ёхуд бошқа юридик ҳамда жисмоний шахсларга зарар етказилиши мумкин бўлса, муҳофаза қилиниши керак.

Давлат органлари, юридик ва жисмоний шахслар давлат сирлари ҳамда махфий сирлар тўғрисидаги ахборотни ўз ичига олган ахборот ресурслари ва ахборот тизимларининг муҳофаза қилинишини таъминлаши шарт.

Ахборот ресурслари ва ахборот тизимлари муҳофаза қилинишини ташкил этиш тартиби уларнинг мулкдорлари, эгалари томонидан мустақил белгиланади.

Давлат сирлари ҳамда махфий сирлар тўғрисидаги ахборотни ўз ичига олган ахборот ресурслари ва ахборот тизимларининг муҳофаза қилинишини ташкил этиш тартиби Ўзбекистон Республикаси Вазирлар Маҳкамаси томонидан белгиланади.

**21-модда. Халқаро ахборот тармоқларига уланиш**

Давлат органлари, юридик ва жисмоний шахслар ўз ахборот тизимларини халқаро ахборот тармоқларига ҳамда Интернет жаҳон ахборот тармоғига қонун ҳужжатларида белгиланган тартибда улаши мумкин.

Эркин фойдаланилиши чеклаб қўйилган ахборот ресурсларини ўз ичига олган ахборот тизимларининг халқаро ахборот тармоқларига ҳамда Интернет жаҳон ахборот тармоғига уланиши фақат зарур муҳофаза чоралари кўрилганидан кейин амалга оширилади.

**22-модда. Низоларни ҳал этиш**

Ахборотлаштириш соҳасидаги низолар қонун ҳужжатларида белгиланган тартибда ҳал этилади.

**23-модда. Ахборотлаштириш тўғрисидаги қонун ҳужжатларини бузганлик учун жавобгарлик**

Ахборотлаштириш тўғрисидаги қонун ҳужжатларини бузганликда айбдор шахслар белгиланган тартибда жавобгар бўладилар.

**Ўзбекистон Республикасининг Президенти И. КАРИМОВ**

Тошкент ш.,  
2003 йил 11 декабрь,  
560–II-сон

## ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ ҚАРОРИ

**68 «Ахборотлаштириш тўғрисида»ги Ўзбекистон Республикаси Қонунини амалга киритиш ҳақида**

Ўзбекистон Республикаси Олий Мажлиси **қарор қилади:**

1. «Ахборотлаштириш тўғрисида»ги Ўзбекистон Республикаси Қонуни матбуотда эълон қилинган кундан эътиборан амалга киритилсин.

2. Ўзбекистон Республикаси Ҳукумати (Ш. Мирзиёев) ўз қарорларини «Ахборотлаштириш тўғрисида»ги Ўзбекистон Республикаси Қонунига мувофиқлаштирсин, вазирликлар, давлат қўмиталари ва идоралар мазкур Қонунга зид бўлган ўз норматив ҳужжатларини қайта кўриб чиқишлари ҳамда бекор қилишларини таъминласин.

3. Қуйидагилар ўз кучини йўқотган деб топилсин:

Ўзбекистон Республикасининг 1993 йил 7 майда қабул қилинган «Ахборотлаштириш тўғрисида»ги Қонуни (Ўзбекистон Республикаси Олий Кенгашининг Ахборотномаси, 1993 йил, № 6, 252-модда);

Ўзбекистон Республикаси Олий Кенгашининг 1993 йил 7 майда қабул қилинган «Ахборотлаштириш тўғрисида»ги Ўзбекистон Республикаси Қонунини амалга киритиш ҳақида»ги Қарори (Ўзбекистон Республикаси Олий Кенгашининг Ахборотномаси, 1993 йил, № 6, 253-модда);

Ўзбекистон Республикасининг 2000 йил 15 декабрда қабул қилинган «Ўзбекистон Республикасининг айрим қонун ҳужжатларига ўзгартишлар ва қўшимчалар киритиш, шунингдек айримларини ўз кучини йўқотган деб топиш тўғрисида»ги Қонуни (Ўзбекистон Республикаси Олий Мажлисининг Ахборотномаси, 2001 йил, № 1-2, 23-модда) I бўлимининг 6-банди.

**Ўзбекистон Республикаси Олий Мажлисининг Раиси Э. ХАЛИЛОВ**

Тошкент ш.,  
2003 йил 11 декабрь,  
561-II-сон

## ЎЗБЕКИСТОН РЕСПУБЛИКАСИНИНГ ҚОНУНИ

**69 Ўзбекистон Республикасининг айрим қонун ҳужжатларига ўзгартишлар ва қўшимчалар киритиш тўғрисида**

Ўзбекистон Республикасининг қуйидаги қонун ҳужжатларига ўзгартишлар ва қўшимчалар киритилсин:

**I.** Ўзбекистон Республикасининг 1991 йил 15 февралда қабул қилинган «**Ўзбекистон Республикасида жамоат бирлашмалари тўғрисида**»ги Қонуни (Ўзбе-

---

*Ўзбекистон Республикаси Қонун ҳужжатлари тўплами, 2004 й.*

кистон Республикаси Олий Кенгашининг Ахборотномаси, 1991 йил, № 4, 76-модда; 1992 йил, № 9, 363-модда; Ўзбекистон Республикаси Олий Мажлисининг Ахборотномаси, 1997 йил, № 4-5, 126-модда; 1998 йил, № 3, 38-модда) **6-моддасининг биринчи қисмидаги** «камида беш минг» деган сўзлар «камида йигирма минг» деган сўзлар билан алмаштирилсин.

**II.** Ўзбекистон Республикасининг 1992 йил 9 декабрда қабул қилинган «**Давлат божи тўғрисида**»ги Қонуни (Ўзбекистон Республикаси Олий Кенгашининг Ахборотномаси, 1993 йил, № 1, 22-модда; 1994 йил, № 5, 161-модда; Ўзбекистон Республикаси Олий Мажлисининг Ахборотномаси, 1996 йил, № 9, 144-модда; 1997 йил, № 2, 56-модда, № 4-5, 126-модда, № 9, 241-модда; 1998 йил, № 5-6, 102-модда, № 9, 181-модда; 1999 йил, № 1, 20-модда, № 9, 229-модда; 2001 йил, № 1-2, 23-модда, № 5, 89-модда, № 9-10, 182-модда) **4-моддасининг 2-банди** қуйидаги мазмундаги «т» ва «у» **кичик бандлар** билан тўлдирилсин:

«т) қишлоқ хўжалиги товар ишлаб чиқарувчилари — тайёрлов ва хизмат кўрсатув ташкилотлари томонидан шартнома мажбуриятлари бажарилмаганлиги билан боғлиқ даъволар юзасидан;

у) туман қишлоқ ва сув хўжалиги бўлимлари — қишлоқ хўжалиги товар ишлаб чиқарувчиларининг манфаатларини кўзлаб киритилган даъволар юзасидан».

**III.** Ўзбекистон Республикасининг 1993 йил 6 майда қабул қилинган «**Сув ва сувдан фойдаланиш тўғрисида**»ги Қонуни (Ўзбекистон Республикаси Олий Кенгашининг Ахборотномаси, 1993 йил, № 5, 221-модда; Ўзбекистон Республикаси Олий Мажлисининг Ахборотномаси, 1997 йил, № 4-5, 126-модда; 1998 йил, № 9, 181-модда; 2000 йил, № 7-8, 217-модда; 2001 йил, № 1-2, 23-модда):

**1) 5-моддасининг:**

**номи** ва **матнидаги** «Кенгашининг» деган сўз «Мажлисининг» деган сўз билан алмаштирилсин;

**иккинчи хатбошиси** қуйидаги таҳрирда баён этилсин:

«сув ва сувдан фойдаланиш тўғрисидаги қонунларни қабул қилиш, уларга ўзгартишлар ва қўшимчалар киритиш»;

**2) 6-моддасининг тўртинчи хатбошиси** қуйидаги таҳрирда баён этилсин:

«сув фонди ҳосил қилиш ва ундан фойдаланиш тартибини, шунингдек сувдан фойдаланишнинг меъёрлари ва лимитларини тасдиқлаш тартибини белгилаш»;

**3) 30-моддаси** қуйидаги таҳрирда баён этилсин:

**«30-модда. Сувдан лимит бўйича фойдаланиш**

Сувдан фойдаланувчиларнинг барчасига нисбатан сувдан лимит бўйича фойдаланиш тартиби белгиланади.

Сувдан фойдаланиш лимитлари сув манбалари, ҳавза ирригация тизимлари, магистрал каналлар (тизимлар), ирригация тизимлари, иқтисодиёт тармоқлари, ҳудудлар ва ҳар бир сувдан фойдаланувчи бўйича белгиланади, ер ости сувлари борасида эса геология ва минерал ресурслар ҳамда давлат кончилиқни назорат қилиш органлари билан келишиб белгиланади.

Сувдан фойдаланиш лимитлари қишлоқ ва сув хўжалиги органлари томонидан белгиланиб, унга риоя этиш идоравий бўйсунувидан қатъи назар, сувдан фойдаланувчиларнинг барчаси учун мажбурийдир.

Сув тармоқларининг, хизмат кўрсатувчи ходимларнинг таъминоти, сув объектларини асраш ва тиклаш учун сувдан лимит бўйича фойдаланиш билан бир қаторда сувдан тўлиқ ва қисман ҳақ тўлаб фойдаланиш жорий этилади.

Сув учун тўлиқ ёки қисман ҳақ тўлашни жорий этиш, сувдан лимит бўйича

фойдаланиш, шунингдек бунга риоя этилишини назорат қилиш шартлари ва тартиби Ўзбекистон Республикаси Вазирлар Маҳкамаси томонидан белгиланади»;

4) **48-моддаси** қуйидаги таҳрирда баён этилсин:

**«48-модда. Қишлоқ хўжалигида сувдан фойдаланишни режалаштириш**

Сугориш, сув чиқариш ва сугориш-сув чиқариш тизимларидаги, магистрал каналлардаги, сув омборларидаги ва бошқа сув хўжалиги объектларидаги сувдан фойдаланиш ишлари сувдан фойдаланиш режалари асосида йиллик амалдаги сув билан таъминланганлик ҳисобга олинган ҳолда амалга оширилади.

Икки томонлама ишловчи зах қочириш тизимларида сувдан фойдаланиш мелиорация қилинган ерлардаги сув режимини тартибга солиш режалари асосида амалга оширилади.

Сувдан фойдаланиш режалари сувдан бирламчи фойдаланувчилар томонидан тузилиб, ирригация тизимлари бошқармалари ва ирригация тизимлари ҳавза бошқармалари томонидан умумлаштирилади.

Қуйидагилар:

ирригация тизими бошқармаси туман қишлоқ ва сув хўжалиги бўлими билан келишган ҳолда — сувдан бирламчи фойдаланувчи бўйича;

ирригация тизимлари ҳавза бошқармаси вилоят қишлоқ ва сув хўжалиги бошқармаси билан келишган ҳолда — ирригация тизими бўйича;

Ўзбекистон Республикаси Қишлоқ ва сув хўжалиги вазирлигининг Сув хўжалиги бош бошқармаси — ҳавза ирригация тизими ҳамда вилоятлараро ва республика аҳамиятига молик айрим йирик сув хўжалиги объектлари бўйича тузилган ва умумлаштирилган сувдан фойдаланиш режаларини тасдиқлайди»;

5) **49-моддасининг бешинчи қисмидаги** «туман сув хўжалиги органи» деган сўзлар «ирригация тизимлари бошқармаси» деган сўзлар билан алмаштирилсин;

6) **110-моддасининг матни** қуйидаги таҳрирда баён этилсин:

«Сувнинг мавжуд миқдорини ва ундан фойдаланиш даражасини баҳолаш учун дарёлар ҳавзалари, ҳавза ирригация тизимлари ҳамда иқтисодий минтақалар бўйича сув хўжалиги баланслари тузилади».

**IV.** Ўзбекистон Республикасининг 1993 йил 2 сентябрда қабул қилинган «**Судлар тўғрисида**»ги Қонунининг 2000 йил 14 декабрда қабул қилинган Ўзбекистон Республикаси Қонуни билан тасдиқланган таҳрири (Ўзбекистон Республикаси Олий Мажлисининг Ахборотномаси, 2001 йил, № 1-2, 10-модда; 2002 йил, № 1, 20-модда) **77-моддасининг иккинчи қисми** қуйидаги таҳрирда баён этилсин:

«Суд аппарати ходимлари тегишинча Ўзбекистон Республикаси Олий суди раиси ва Ўзбекистон Республикаси Олий хўжалик суди раиси томонидан белгиланадиган тартибда аттестациядан ўтадилар».

**V.** Ўзбекистон Республикасининг 1994 йил 22 сентябрда қабул қилинган Қонуни билан тасдиқланган **Ўзбекистон Республикасининг Жиноят кодекси** (Ўзбекистон Республикаси Олий Кенгашининг Ахборотномаси, 1995 йил, № 1, 3-модда; Ўзбекистон Республикаси Олий Мажлисининг Ахборотномаси, 1996 йил, № 9, 144-модда; 1997 йил, № 2, 56-модда, № 9, 241-модда; 1998 йил, № 5-6, 102-модда, № 9, 181-модда; 1999 йил, № 1, 20-модда, № 5, 124-модда, № 9, 229-модда; 2000 йил, № 5-6, 153-модда; 2001 йил, № 1-2, 23-модда, № 9-10, 165-модда; 2002 йил, № 9, 165-модда; 2003 йил, № 1, 8-модда, № 9-10, 149-модда):

1) **50-моддаси:**

**бешинчи қисмининг «а», «б» ва «в» бандлари** қуйидаги таҳрирда баён этилсин:

«а) ижтимоий хавфи катта бўлмаган жинояти, эҳтиётсизлик оқибатида содир этилган жинояти учун ва қасддан унча оғир бўлмаган жиноят содир этганлик учун озодликдан маҳрум этишга ҳукм қилинаётганларга нисбатан жазони манзил-колонияларда;

б) қасддан оғир жиноят содир этганлик ва ўта оғир жинояти учун биринчи марта озодликдан маҳрум этишга ҳукм қилинаётганларга нисбатан жазони умумий тартибли колонияларда;

в) илгари қасддан содир этган жинояти учун озодликдан маҳрум қилиш тариқасидаги жазони ўтаб чиқиб, қасддан янги содир этган жинояти учун ҳукм қилинаётганларга нисбатан жазони қаттиқ тартибли колонияларда»;

**олтинчи қисми** қуйидаги таҳрирда баён этилсин:

«Озодликдан маҳрум этишга ҳукм қилинаётган аёлларга нисбатан:

а) ижтимоий хавфи катта бўлмаган жиноят, эҳтиётсизлик оқибатида жиноят содир этганларга ҳамда қасддан унча оғир бўлмаган жиноят содир этганларга нисбатан жазони манзил-колонияларда;

б) оғир ва ўта оғир жиноят учун жазони умумий тартибли колонияларда;

в) илгари озодликдан маҳрум қилиш тариқасидаги жазони ўтаб чиқиб, янги содир этган ўта оғир жинояти учун ҳукм қилинаётганларга, шунингдек ўта хавфли рецидивист деб топилганларга нисбатан жазони қаттиқ тартибли колонияларда ўташ тайинланади»;

қуйидаги мазмундаги **саккизинчи** ва **тўққизинчи қисмлар** билан тўлдирилсин:

«Ижтимоий хавфи катта бўлмаган жиноят содир этганлик, эҳтиётсизлик оқибатида жиноят содир этганлик ва қасддан унча оғир бўлмаган жиноят содир этганлик учун озодликдан маҳрум этиш тариқасидаги жазо ҳомиладор аёлларга ва уч ёшга тўлмаган болалари бор аёлларга нисбатан, шунингдек қонун ҳужжатларига мувофиқ ёшга доир пенсияга чиқиш ҳуқуқига эга бўлган шахсларга нисбатан тайинланмайди.

Суд томонидан жазони манзил-колонияда ўташи тайинланган маҳкум сақлаш режимини ашаддий бузувчи деб топилган тақдирда, суд уни жазонинг ўталмаган қисми муддатига умумий тартибли колонияга ўтказади»;

2) **51-моддасининг биринчи қисми** қуйидаги таҳрирда баён этилсин:

«Отиб ўлдириш тариқасидаги ўлим жазоси фақат жавобгарликни оғирлаштирадиган ҳолатларда қасддан одам ўлдириш (97-модданинг иккинчи қисми), терроризм (155-модданинг учинчи қисми) учун белгиланади»;

3) **74-моддасининг тўртинчи қисми** қуйидаги таҳрирда баён этилсин:

«Озодликдан маҳрум қилиш тариқасидаги жазонинг ўталмаган қисми ахлоқ тузатиш ишлари билан алмаштирилганда ахлоқ тузатиш ишлари озодликдан маҳрум қилиш жазосининг ўталмаган қисми муддатига тайинланади»;

4) **85-моддасининг:**

**тўртинчи қисми** қуйидаги таҳрирда баён этилсин:

«Вояга етмай туриб ижтимоий хавфи катта бўлмаган жиноят содир этган, эҳтиётсизлик оқибатида жиноят содир этган ёхуд қасддан унча оғир бўлмаган жиноят содир этган шахсларга нисбатан озодликдан маҳрум қилиш тариқасидаги жазо тайинланмайди»;

**бешинчи қисмидаги** «умумий ёки кучайтирилган тартибли» деган сўзлар чиқариб ташлансин;

**олтинчи** ва **еттинчи қисмлари** чиқариб ташлансин;

5) **90-моддасининг тўртинчи қисми** қўйидаги таҳрирда баён этилсин:

«Озодликдан маҳрум қилиш тарикасидаги жазонинг ўталмаган қисми ахлоқ тузатиш ишлари билан алмаштирилганда ахлоқ тузатиш ишлари озодликдан маҳрум қилиш жазосининг ўталмаган қисми муддатига тайинланади»;

6) **151-моддаси иккинчи қисмининг санкцияси** қўйидаги таҳрирда баён этилсин:

«ўн беш йилдан йигирма йилгача озодликдан маҳрум қилиш билан жазоланади»;

7) **153-моддасининг санкцияси** қўйидаги таҳрирда баён этилсин:

«ўн йилдан йигирма йилгача озодликдан маҳрум қилиш билан жазоланади»;

8) **151-моддаси биринчи қисмининг диспозицияси** қўйидаги таҳрирда баён этилсин:

«Ўзбекистон Республикасининг фуқароси томонидан жосуслик, чет эл давлатига, чет эл ташкилотига ёки уларнинг вакилларига давлат сирларини етказиш ёхуд Ўзбекистон Республикасига қарши душманлик фаолияти олиб боришда бошқача ёрдам кўрсатиш йўли билан давлатга хоинлик қилиш, яъни Ўзбекистон Республикасининг суверенитети, ҳудудий дахлсизлиги, хавфсизлиги, мудофаа салоҳияти, иқтисодиётига зарар етказган ҳолда қасддан содир этилган қилмиш — »;

9) **160-моддаси биринчи қисмининг диспозицияси** қўйидаги таҳрирда баён этилсин:

«Чет эл фуқароси ёки фуқаролиги бўлмаган шахснинг давлат сири ҳисобланган маълумотларни чет эл давлати, чет эл ташкилоти ёки уларнинг агентурасига етказиши, худди шунингдек етказиш мақсадида қўлга киритиши, йиғиши ёки сақлаши, шунингдек чет эл разведкасининг топшириғи бўйича Ўзбекистон Республикасига зарар етказишда фойдаланиш учун бошқа маълумотларни етказиши ёки йиғиши — »;

10) **182-моддаси биринчи қисми диспозициясининг ўзбек тилидаги матни** қўйидаги таҳрирда баён этилсин:

«Божхона назоратини четлаб ёки божхона назоратидан яшириб ёхуд божхона ҳужжатлари ёки воситаларига ўхшатиб ясалган ҳужжатлардан алдаш йўли билан фойдаланган ҳолда ёки декларациясиз ёхуд бошқа номга ёзилган декларациядан фойдаланиб, товар ёки бошқа қимматликларни кўп миқдорда Ўзбекистон Республикасининг божхона чегарасидан ўтказиш, шундай ҳаракат учун маъмурий жазо қўлланилганидан кейин содир этилган бўлса, — »;

11) **184-моддаси биринчи қисми диспозициясининг ўзбек тилидаги матни** қўйидаги таҳрирда баён этилсин:

«Фойда (даромад) ёки солиқ солинадиган бошқа объектларни қасддан яширишни, камайтириб кўрсатишни, шунингдек давлат томонидан белгиланган солиқларни, йиғимларни, бож ёки бошқа тўловларни тўлашдан қасддан бўйин товлашни анча миқдорда содир этиш, шундай қилмиш учун маъмурий жазо қўлланилганидан кейин рўй берган бўлса, — ».

12) **221-моддасининг биринчи қисмидаги** «камера типидagi хонага (бир кишилик камерага) ёки турмага ўтказиш қўлланилганидан» деган сўзлар «жазони ижро этиш колониясининг карцерига ўтказиш тарикасидаги жазо қўлланилганидан ёки турмага ўтказилганидан» деган сўзлар билан алмаштирилсин;

13) **222-моддасининг номи** ва **биринчи қисми** қўйидаги таҳрирда баён этилсин:

**«222-модда. Камоқдан ёки қўриқлов остидаги сақлаш жойидан қочиш**

Камоқда сақланаётган ёки озодликдан маҳрум қилиш тариқасидаги жазони ўтаётган шахснинг камоқдан ёки қўриқлов остидаги сақлаш жойидан қочиши — беш йилгача озодликдан маҳрум қилиш билан жазоланади».

**VI.** Ўзбекистон Республикасининг 1994 йил 22 сентябрда қабул қилинган Қонуни билан тасдиқланган **Ўзбекистон Республикасининг Жиноят-процессуал кодекси** (Ўзбекистон Республикаси Олий Кенгашининг Ахборотномаси, 1995 йил, № 2, 5-модда; Ўзбекистон Республикаси Олий Мажлисининг Ахборотномаси, 1995 йил, № 12, 269-модда; 1997 йил, № 2, 56-модда, № 9, 241-модда; 1998 йил, № 5-6, 102-модда, № 9, 181-модда; 1999 йил, № 1, 20-модда, № 5, 124-модда, № 9, 229-модда; 2000 йил, № 5-6, 153-модда, № 7-8, 217-модда; 2001 йил, № 1-2, 11, 23-моддалар, № 9-10, 165, 182-моддалар; 2002 йил, № 9, 165-модда; 2003 йил, № 5, 67-модда):

**1) 405-моддаси:**

**номи** қуйидаги тахрирда баён этилсин:

**«405-модда. Суд мажлисида жиноят ишини муҳокама қилиш муддати»;**

**иккинчи қисми** қуйидаги тахрирда баён этилсин:

«Жиноят ишини судда муҳокама қилиш муддати ишни муҳокама қилиш бошланган кундан эътиборан икки ойдан ошмаслиги керак»;

қуйидаги мазмундаги **учинчи қисм** билан тўлдирилсин:

«Жиноят ишини кўриш тўхтатиб турилган вақт ишни муҳокама қилиш муддатига кирмайди»;

**учинчи** ва **тўртинчи қисмлари** тегишинча **тўртинчи** ва **бешинчи қисмлар** деб ҳисоблансин;

**2) 420-моддаси** қуйидаги мазмундаги **қисм** билан тўлдирилсин:

«Суд жиноят ишини кўришни тўхтатиш тўғрисида ажрим чиқаради»;

**3) қуйидаги мазмундаги 420<sup>1</sup>-модда** билан тўлдирилсин:**«420<sup>1</sup>-модда. Жиноят ишини кўришни қайтадан бошлаш**

Жиноят ишини кўришни тўхтатишнинг асоси сифатидаги, ушбу Кодекснинг 420-моддасида назарда тутилган ҳолатлар бартараф этилгач, тўхтатилган жиноят ишини кўриш қайтадан бошланади.

Суд жиноят ишини кўришни қайтадан бошлаш тўғрисида ажрим чиқаради.

Жиноят ишини кўриш қайтадан бошланганда жиноят ишини муҳокама қилиш муддатининг ўтиши ҳам бир вақтнинг ўзида қайтадан бошланади. Мазкур муддатни яна узайтириш ушбу Кодекснинг 405-моддаси асосида, жиноят ишини муҳокама қилишнинг жиноят ишини кўриш тўхтатилишидан олдинги муддатини инобатга олган ҳолда амалга оширилади»;

**4) 490-моддасининг бешинчи қисмидаги** «тарбия колонияси ёки» деган сўзлар чиқариб ташлансин;

**5) 536-моддасининг:**

**биринчи қисми** «жазони ижро этиш муассасаси маъмуриятининг тақдимномасига» деган сўзлардан кейин «ёки маҳкумнинг, унинг ҳимоячисининг илтимосномасига» деган сўзлар билан тўлдирилсин;

**иккинчи қисми** «интизомий қисм қўмондонлигининг тақдимномасига» деган сўзлардан кейин «ёки маҳкумнинг, унинг ҳимоячисининг илтимосномасига» деган сўзлар билан тўлдирилсин;

**бешинчи қисмидаги** «юзасидан тақдим этилган» деган сўзлар «тўғрисидаги тақдимномалар ёки» деган сўзлар билан алмаштирилсин.

6) **537-моддасининг учинчи қисмидаги** «ва умумий тартибли тарбия колониясидан кучайтирилган тартибли тарбия колониясига» деган сўзлар чиқариб ташлансин;

7) **542-моддасининг учинчи қисмидаги** «бир тартибли тарбия колониясидан бошқа тартибли тарбия колониясига ўтказиш тўғрисидаги» деган сўзлар чиқариб ташлансин.

**VII.** Ўзбекистон Республикасининг 1994 йил 22 сентябрда қабул қилинган Қонуни билан тасдиқланган **Ўзбекистон Республикасининг Маъмурий жавобгарлик тўғрисидаги кодекси** (Ўзбекистон Республикаси Олий Кенгашининг Ахборотномаси, 1995 йил, № 3, 6-модда; Ўзбекистон Республикаси Олий Мажлисининг Ахборотномаси, 1995 йил, № 9, 193-модда, № 12, 269-модда; 1996 йил, № 5-6, 69-модда, № 9, 144-модда; 1997 йил, № 2, 56-модда; № 4-5, 126-модда, № 9, 241-модда; 1998 йил, № 3, 38-модда, № 5-6, 102-модда, № 9, 181-модда; 1999 йил, № 1, 20-модда, № 5, 124-модда, № 9, 229-модда; 2000 йил, № 5-6, 153-модда, № 7-8, 217-модда; 2001 йил, № 1-2, 23-модда, № 9-10, 165, 182-моддалар; 2002 йил, № 1, 20-модда, № 9, 165-модда; 2003 йил, № 1, 8-модда, № 5, 67-модда, № 9-10, 149-модда) **320-моддаси учинчи қисмининг** ўзбек тилидаги **матни** қуйидаги тахрирда баён этилсин:

«Кассация инстанцияси суди судьясининг маъмурий ишлар бўйича судьянинг қарори юзасидан берилган шикоят ёки билдирилган протест бўйича ҳал қилув қарори қарор шаклида чиқарилади ва чиқарилган вақтдан бошлаб кучга киради».

**VIII.** Ўзбекистон Республикасининг 1995 йил 22 декабрда қабул қилинган «**Ўзбекистон Республикасининг халқаро шартномалари тўғрисида**»ги Қонунининг (Ўзбекистон Республикаси Олий Мажлисининг Ахборотномаси, 1995 йил, № 12, 262-модда; 2003 йил, № 5, 67-модда) **25-моддаси** қуйидаги мазмундаги **қисм** билан тўлдирилсин:

«Ўзбекистон Республикасининг халқаро шартномалари тўплами Ўзбекистон Республикасининг халқаро шартномалари эълон қилинадиган расмий манбадир».

**IX.** Ўзбекистон Республикасининг 1995 йил 21 декабрда ва 1996 йил 29 августда қабул қилинган қонунлари билан тасдиқланган **Ўзбекистон Республикасининг Фуқаролик кодекси** (Ўзбекистон Республикаси Олий Мажлисининг Ахборотномаси, 1996 йил, 2-сонга илова, № 11-12; 1997 йил, № 2, 56-модда, № 9, 241-модда; 1998 йил, № 5-6, 102-модда; 1999 йил, № 1, 20-модда, № 9, 229-модда; 2001 йил, № 1-2, 23-модда, № 9-10, 182-модда; 2002 йил, № 1, 20-модда; 2003 йил, № 1, 8-модда, № 5, 67-модда) **1015-моддаси** қуйидаги мазмундаги иккинчи қисм билан тўлдирилсин:

«Ходимнинг меҳнат мажбуриятларини бажариши муносабати билан унинг ҳаёти ва соғлиғига етказилган зарар учун жавобгар бўлган, қишлоқ хўжалиги товар маҳсулотлари ишлаб чиқарувчи қайта ташкил этилаётган юридик шахсда маблағ бўлмаган ёхуд етарли бўлмаган тақдирда, ундирилиши лозим бўлган суммалар қонун ҳужжатларида назарда тутилган тартибда давлат томонидан тўланади. Қонунда назарда тутилган бошқа ҳолларда ҳам мазкур суммалар давлат томонидан тўланади»;

**иккинчи ва учинчи қисмлари** тегишинча **учинчи ва тўртинчи қисмлар** деб ҳисоблансин.

**X.** Ўзбекистон Республикасининг 1996 йил 26 декабрда қабул қилинган «**Сиёсий партиялар тўғрисида**»ги Қонуни (Ўзбекистон Республикаси Олий Мажлисининг Ахборотномаси, 1997 йил, № 2, 36-модда; 1999 йил, № 9, 229-модда):

1) **6-моддасининг биринчи қисмидаги** «камида беш минг» деган сўзлар «камида йигирма минг» деган сўзлар билан алмаштирилсин;



2) **8-моддаси иккинчи қисмининг еттинчи хатбошисидаги** «беш минг нафар» деган сўзлар «йигирма минг нафар» деган сўзлар билан алмаштирилсин.

**XI.** Ўзбекистон Республикасининг 1996 йил 26 декабрда қабул қилинган «**Нотариат тўғрисида**»ги Қонуни (Ўзбекистон Республикаси Олий Мажлисининг Ахборотномаси, 1997 йил, № 2, 42-модда; 2001 йил, № 1-2, 23-модда; 2003 йил, № 5, 67-модда) **2-моддасининг учинчи қисмидаги** «вилоятлар, Тошкент шаҳар ҳокимликлари» деган сўзлар «вилоятлар ва Тошкент шаҳар» деган сўзлар билан алмаштирилсин.

**XII.** Ўзбекистон Республикасининг 1996 йил 27 декабрда қабул қилинган «**Адвокатура тўғрисида**»ги Қонуни (Ўзбекистон Республикаси Олий Мажлисининг Ахборотномаси, 1997 йил, № 2, 48-модда; 2001 йил, № 1-2, 23-модда; 2003 йил, № 5, 67-модда):

1) **3-моддасининг иккинчи қисмидаги, 4-моддасининг учинчи қисмидаги** ва **13-моддасининг иккинчи қисмидаги** «вилоятлар, Тошкент шаҳар ҳокимликлари» деган сўзлар «вилоятлар ва Тошкент шаҳар» деган сўзлар билан алмаштирилсин;

2) **13-моддасининг биринчи қисмидаги** «вилоятлар, Тошкент шаҳри ҳокимликлари» деган сўзлар «вилоятлар ва Тошкент шаҳар» деган сўзлар билан алмаштирилсин.

**XIII.** Ўзбекистон Республикасининг 1997 йил 24 апрелда қабул қилинган Қонуни билан тасдиқланган **Ўзбекистон Республикасининг Солиқ кодекси** (Ўзбекистон Республикаси Олий Мажлисининг Ахборотномаси, 1997 йил, 4-5-сонга илова, № 9, 241-модда; 1998 йил, № 3, 38-модда, № 5-6, 102-модда, № 9, 181-модда; 1999 йил, № 1, 20-модда, № 5, 124-модда, № 9, 229-модда; 2000 йил, № 5-6, 153-модда; 2001 йил, № 1-2, 23-модда, № 5, 89-модда, № 9-10, 182-модда; 2002 йил, № 1, 20-модда, № 4-5, 74-модда, № 9, 165-модда; 2003 йил, № 1, 8-модда, № 5, 67-модда, № 9-10, 149-модда):

1) **8-моддасининг:**

**биринчи қисми** куйидаги таҳрирда баён этилсин:

«Микрофирмалар ва кичик корхоналар учун ягона солиқ тўланишини назарда тутувчи солиқ солиш тизими қўлланилиши мумкин. Акциз солиғи тўланадиган маҳсулот ишлаб чиқараётган, шунингдек фойдали қазилмаларни кавлаб олишни амалга ошираётган микрофирмалар ва кичик корхоналар ушбу Кодексда белгиланган тартибда акциз солиғи ва ер остидан фойдаланганлик учун солиқ тўлаганлари тақдирда, ягона солиқ тўлашга ўтишлари мумкин»;

саккизинчи қисмидаги «алкоголли маҳсулот учун» деган сўзлар чиқариб ташлансин;

2) **14-моддасининг учинчи қисмидаги** «фаолиятдан» деган сўз «манбалардан» деган сўз билан алмаштирилсин;

3) **18-моддаси** чиқариб ташлансин;

4) **31-моддасининг:**

**9, 11, 14, 17, 18, 23-бандлари** чиқариб ташлансин;

**19-банди** куйидаги таҳрирда баён этилсин:

«19) янги ташкил этилаётган корхоналар, шу жумладан шаҳарчалар, қишлоқлар ва овуллар ҳудудида ташкил этилган чет эл инвестициялари иштирокидаги корхоналар (савдо, воситачилик, таъминот-сотиш ва тайёрлов фаолияти билан шуғулланувчи корхоналардан ташқари) рўйхатдан ўтказилган пайтдан эътиборан биринчи йили даромад (фойда) солиғи тўлашдан озод қилинади, белгиланган ставканинг иккинчи йили йигирма беш фоизи миқдорида ва учинчи йили эллик фоизи

миқдорида солиқ тўлайди. Кейинги йилларда даромад (фойда) солиғи белгиланган ставка бўйича тўлиқ миқдорда тўланади.

Янги ташкил этилаётган бошқа корхоналар, шу жумладан чет эл инвестициялари иштирокидаги корхоналар (савдо, воситачилик, таъминот-сотиш ва тайёрлов фаолияти билан шуғулланувчи корхоналардан ташқари) рўйхатдан ўтказилган пайдан эътиборан белгиланган ставканинг биринчи йили йигирма беш фоизи миқдорида ва иккинчи йили эллик фоизи миқдорида солиқ тўлайди. Кейинги йилларда даромад (фойда) солиғи белгиланган ставка бўйича тўлиқ миқдорда тўланади.

Ушбу бандда назарда тутилган юридик шахслар белгиланган имтиёзли даврнинг бир йили ўтгунига қадар тугатилган тақдирда, солиқ суммаси уларнинг бутун фаолияти даври учун тўлиқ миқдорда ундириб олинади»;

**учинчи қисми** чиқариб ташлансин;

**5) 32-моддаси биринчи қисмининг:**

**иккинчи хатбошиси** «спорт муассасаларига» деган сўзлардан кейин «фуқароларнинг ўзини ўзи бошқариш органларига бериладиган» деган сўзлар билан тўлдирилсин;

**бешинчи** ва **олтинчи** хатбошилари чиқариб ташлансин;

**6) 55-моддаси биринчи қисмининг жадвали** қуйидаги таҳрирда баён этилсин:

Жами даромад миқдори	Солиқ суммаси
энг кам иш ҳақининг беш баравари миқдоригача	даромад суммасининг 13 фоизи
энг кам иш ҳақининг беш баравари миқдоридан (+1 сўм) ўн баравари миқдоригача	энг кам иш ҳақининг беш баравари миқдоридан олинadиган солиқ + беш бараваридан ошадиган сумманинг 21 фоизи
энг кам иш ҳақининг ўн баравари миқдоридан (+1 сўм) ва ундан юқори миқдоридан	энг кам иш ҳақининг ўн баравари миқдоридан олинadиган солиқ + ўн бараваридан ошадиган сумманинг 30 фоизи

**7) 58-моддасининг «т» банди** қуйидаги таҳрирда баён этилсин:

«т) патент эгаси бўлган жисмоний шахснинг (лицензиарнинг) sanoat мулки объектларидан ўз ишлаб чиқаришида фойдаланишдан ёки фойдаланиш бошланган санадан эътиборан амал қилиш муддати доирасида уларга лицензия сотишдан, шунингдек лицензиатнинг sanoat мулки объектларидан фойдаланишдан олган даромади суммаси:

ихтиролар ва селекция ютуғидан фойдалана бошлаган санадан эътиборан — беш йил давомида;

sanoat намунасида фойдалана бошлаган санадан эътиборан — уч йил давомида; фойдали моделдан фойдалана бошлаган санадан эътиборан — икки йил давомида»;

**8) 71-моддаси** қуйидаги таҳрирда баён этилсин:

**«71-модда. Қўшилган қиймат солиғидан озод қилиш**

Фаолиятнинг товарларни (ишларни, хизматларни) реализация қилишга доир қисми бўйича қуйидагилар қўшилган қиймат солиғидан озод қилинади:

1) суғурта бўйича воситачилар ва агентлар амалга оширадиган суғурта қилиш ва қайта суғурта қилиш операциялари, шу жумладан бундай операциялар билан боғлиқ хизматлар;

2) ссудалар бериш ва ўтказиш операциялари;

3) пул омонатлари, жорий ҳисобварақлар, тўловлар, ўтказмалар, чеклар ва бошқа қимматли қоғозларга дахлдор операциялар;

- 4) қонуний тўлов воситаси бўлган чет эл валютаси ва пуллар муомаласига дахлдор операциялар, нумизматика мақсадида фойдаланиладиганлари бундан мустасно;
- 5) қимматли қоғозлар муомаласига дахлдор операциялар, уларни тайёрлаш ва сақлаш операциялари бундан мустасно;
- 6) махсус вакил қилинган органлар томонидан бажариладиган ва давлат божи, йиғимлар ундириладиган ҳаракатлар;
- 7) болаларни мактабгача тарбия муассасаларида боқишга, беморлар ва қарияларни парвариш қилишга доир хизматлар;
- 8) дафн этиш бюрolari ва қабристонларнинг маросим хизматлари;
- 9) интеллектуал мулк объектларига бўлган ҳуқуқларни олганлик учун патент божлари, рўйхатга олиш йиғимлари ва лицензия тўловлари;
- 10) протез-ортопедия буюмлари, ногиронлар учун инвентарлар ишлаб чиқариш ва ногиронларга ортопедик протезлаш хизмати кўрсатишга ихтисослашган корхоналарнинг маҳсулотлари, даволаш муассасалари ҳузуридаги даволаш-ишлаб чиқариш устаноналарининг маҳсулотлари;
- 11) ўзи етиштирган қишлоқ хўжалик маҳсулотларини реализация қилиш;
- 12) почта маркалари (коллекция қилинадиганларидан ташқари), маркали откриткалар ва конвертлар сотиш;
- 13) алоқа ташкилотларининг пенсия ва нафақалар тўлаш бўйича хизматлари;
- 14) Ўзбекистон Республикаси Вазирлар Маҳкамаси ҳузуридаги Илмий-техника тараққиётини мувофиқлаштириш кенгаши қошидаги Фан ва технологиялар марказининг илмий-техника дастурлари доирасида давлат контрактлари асосида бажариладиган илмий-тадқиқот ва инновация ишлари;
- 15) шаҳар йўловчилар транспортининг хизматлари (такси, шу жумладан йўналишли таксидан ташқари), шунингдек умумий фойдаланишдаги темир йўл ва автомобиль транспортида (такси, шу жумладан йўналишли таксидан ташқари) шаҳар атрофидаги йўналишларда йўловчилар ташиш хизматлари;
- 16) аҳолига кўрсатиладиган уй-жой-коммунал ва уй-жойдан фойдаланиш хизматлари;
- 17) халқ таълими соҳасидаги, ўқув-ишлаб чиқариш жараёни билан боғлиқ хизматлар, шунингдек олий ва ўрта махсус, касб-хунар ўқув юртларидаги таълим учун ҳақ;
- 18) сақлаб туриш бўйича ваколатли давлат органига қимматбаҳо металлларни реализация қилиш оборотлари;
- 19) диний ташкилотлар ҳамда бирлашмаларнинг удумлар ва маросимлар ўтказишга доир хизматлари;
- 20) тиббий, санаторий-курорт ва соғломлаштириш, туристик-экскурсия хизматлари, жисмоний тарбия ва спорт муассасаларининг асосий (соҳа) фаолияти бўйича кўрсатадиган хизматлари, болалар дам олиш лагерларининг хизматлари;
- 21) хусусийлаштирилаётган давлат мулкнинг қиймати;
- 22) гидрометеорология ва аэрология ишлари;
- 23) геология ва топография ишлари;
- 24) нашриётларнинг, газета ва журналлар таҳририятларининг, матбаа ва китоб савдоси корхоналарининг, Ўзбекистон Телерадиокомпаниясининг, Ўзбекистон Миллий ахборот агентлигининг асосий фаолиятига доир маҳсулотлари ва хизматлари;
- 25) ваколатли давлат ташкилотлари ўтказадиган экология экспертизаси хизматлари;
- 26) давлат тилини ва давлат тилида иш юритишни ўргатиш хизматлари;

27) республикада ишлаб чиқарилаётган ҳамда якка тартибдаги иморат қурувчиларга реализация қилинаётган бинокорлик материаллари;

28) экспорт қилинаётган товарларни, шунингдек чет мамлакатларнинг Ўзбекистон Республикаси ҳудуди орқали олиб ўтиладиган юкларини (транзит юкларни) ташиш, ортиш, тушириш, қайта ортиш бўйича хизматлар;

29) ногиронларнинг жамоат бирлашмалари, «Нуроний» жамғармаси ва Ўзбекистон чернобилчилар ассоциацияси мулкида бўлган, ишловчилари умумий сонининг камида эллик фоизини ногиронлар ташкил этувчи юридик шахслар ишлаб чиқараётган товарлар, бажараётган ишлар ва кўрсатаётган хизматлар (савдо, воситачилик, таъминот-сотиш ва тайёрлов фаолияти билан боғлиқ ишлар ва хизматлар бундан мустасно);

30) ички ишлар органлари ҳузуридаги соқчилик бўлинмаларининг хизматлари;

31) фаолиятнинг гастроль-концерт тури билан шуғулланиш ҳуқуқини берувчи лицензияга эга бўлган юридик шахсларнинг гастроль-концерт фаолияти;

32) китоб маҳсулотларини, мактаб ўқув ашёлари ва кўргазмалари қуролларини, дори-дармон воситалари ва тиббий буюмларни улгуржи реализация қилиш;

33) мол-мулкни лизингга берганлик учун лизинг тўловлари.

Фаолиятнинг товарларни (ишларни, хизматларни) импорт қилишга доир қисми бўйича қуйидагилар қўшимча қиймат солиғидан озод қилинади:

1) товарларни божсиз олиб киришнинг божхона тўғрисидаги қонун ҳужжатлари билан тасдиқланган нормалари доирасида жисмоний шахслар томонидан импорт қилинаётган товарлар;

2) табиий офатлар, қуролли можаролар, бахтсиз ходисалар ёки фалокатлар юз берганда ёрдам кўрсатиш учун инсонпарварлик ёрдами ва беғараз техник кўмак сифатида Ўзбекистон Республикаси ҳудудига олиб кирилаётган товарлар, шунингдек давлатлар, ҳукуматлар, халқаро ташкилотлар томонидан хайрия мақсадида олиб кирилаётган товарлар;

3) Ўзбекистон Республикаси тузган шартномалар (битимлар) бўйича халқаро ва ҳукуматга қарашли бўлган чет эл молиявий ва иқтисодий ташкилотлари берган қарзлар ва грантлар ҳисобига Ўзбекистон Республикасининг юридик шахслари, шу жумладан норезидентлари томонидан олиб кирилаётган асбоб-ускуналар, материаллар (ишлар ва хизматлар);

4) бюджетдан ажратилган маблағлар ҳисобидан бюджетдаги ташкилотлар буюртмалари асосида Ўзбекистон Республикаси ҳудудига олиб кирилаётган асбоб-ускуналар, товарлар (ишлар ва хизматлар);

5) импорт бўйича келтирилаётган дори-дармон воситалари ва тиббий буюмлар;

6) Ўзбекистон Республикаси ҳудудига:

чет эл кредитлари ҳисобидан ҳукумат кафолати остида молиялаштириладиган инвестиция лойиҳаларини амалга ошириш учун олиб кирилаётган технологик жиҳозлар;

халқ истеъмоли товарлари ишлаб чиқаришга ихтисослашаётган янги қурилаётган ва қайта қурилаётган корхоналар учун олиб кирилаётган технологик жиҳозлар;

чет эл инвестициялари иштирокидаги корхоналарнинг устав капиталига чет эллик инвесторлар томонидан улуш сифатида олиб кирилаётган технологик жиҳозлар;

ваколатли банкнинг тегишли тасдиғи бўлган тақдирда, белгиланган тартибда тасдиқланган лойиҳаларга мувофиқ янги ишлаб чиқаришларни барпо этиш, шунингдек ишлаб турган ишлаб чиқаришларни замонавийлаштириш ва техник жиҳатдан қайта жиҳозлаш учун олиб кирилаётган технологик жиҳозлар;

ваколатли банкнинг тегишли тасдиғи бўлган тақдирда, лизингга топшириш учун олиб кириладиган технологик жиҳозлар;

хусусийлаштириладиган корхоналар учун чет эллик инвесторнинг инвестиция мажбуриятлари ҳисобидан олиб кириладиган технологик жиҳозлар;

7) чет эл инвестициялари иштирокидаги, болалар пойабзали ишлаб чиқаришга ихтисослашадиган корхоналар томонидан ўз ишлаб чиқаришларида фойдаланиш учун олиб кириладиган хом ашё, материаллар ва ярим тайёр маҳсулотлар.

Ушбу модданинг иккинчи қисмида назарда тутилган имтиёзлар юридик шахслар томонидан олиб кириладиган истеъмол товарларига нисбатан татбиқ этилмайди, ушбу модда иккинчи қисмининг 2, 3, 5, 6 ва 7-бандларида назарда тутилган товарлар бундан мустасно. Товарларни истеъмол товарлари жумласига киритиш қонун ҳужжатларига мувофиқ амалга оширилади»;

9) **78-моддасининг иккинчи қисми** чиқариб ташлансин;

10) **92-моддаси биринчи қисмининг тўртинчи ва иккинчи қисмининг бешинчи хатбошилари** чиқариб ташлансин;

11) **95-моддасининг тўртинчи ва бешинчи қисмлари** чиқариб ташлансин;

12) **113-моддасининг учинчи хатбошиси** чиқариб ташлансин;

13) **119-моддасининг ўн иккинчи хатбошиси** чиқариб ташлансин;

14) қуйидаги мазмундаги **127<sup>1</sup>-модда** билан тўлдирилсин:

**127<sup>1</sup>-модда. Ўзаро алоқадор юридик шахсларга солиқ солиш мақсадида нархларга ўзгартиш киритиш**

Агар ўзаро алоқадор юридик шахслар ўзларининг тижорат ва молиявий муносабатларида ўзаро алоқадор бўлмаган юридик шахслар ўртасида қўлланилиши мумкин бўлган нархлардан фарқ қиладиган нархларни қўлласалар, ўзаро алоқадор бўлмаган юридик шахслар ўртасида қўлланилиши мумкин бўлган нархлардан солиқ органлари солиқ солиш мақсадида қонун ҳужжатларида белгиланган тартибда фойдаланишлари мумкин.

Ўзаро алоқадор юридик шахслар, шу жумладан чет эллик юридик шахслар қуйидагилардан иборат:

унитар (шўъба) корхоналар ва уларни таъсис этган юридик шахслар;

биргина юридик шахс томонидан таъсис этилган юридик шахслар;

биргина жисмоний шахс томонидан ёки ўзаро қариндош ёхуд қайин-бўйин ва қуда-анда жисмоний шахслар томонидан таъсис этилган юридик шахслар.

Эр (хотин), унинг тўғри ва ён шажара бўйича қариндошлари, опа-сингиллари, ака-укалари ва уларнинг болалари, неваралари, чеваралари ҳамда эваралари, хотиннинг (эрнинг) ота-онаси, опа-сингиллари ва ака-укалари ушбу модда мақсадига кўра ўзаро қариндош ёки қайин-бўйин ва қуда-анда жисмоний шахслар ҳисобланади».

15) **135-моддасининг биринчи қисми** қуйидаги мазмундаги **12—17-бандлар** билан тўлдирилсин:

«12) назорат-касса машиналарини ишлатиш мажбурий бўлгани ҳолда уларни ишлатмасдан савдони амалга оширганлик ва хизматлар кўрсатганлик, шунингдек харидорга квитанция ёзиб бериш, талонлар ёки уларга тенглаштирилган бошқа чекларни бериш мажбурий бўлгани ҳолда бундай ҳужжатларни бермасдан товарларни реализация қилганлик ва хизматлар кўрсатганлик учун:

юридик шахслардан энг кам иш ҳақининг юз баравари миқдорида, ўша қилмишлар молиявий жазо қўлланилганидан кейин бир йил ичида такроран содир этилган тақдирда эса энг кам иш ҳақининг икки юз баравари миқдорида;

якка тартибдаги тадбиркорлардан энг кам иш ҳақининг юз баравари миқдорида жарима ундирилади;

13) техник талабларга жавоб бермайдиган назорат-касса машиналаридан фойдаланганлик, фискал хотирасининг хизмат кўрсатиш дастури бузилган назорат-касса машиналаридан фойдаланганлик учун юридик шахслар ва якка тартибдаги тадбиркорлардан энг кам иш ҳақининг икки юз баравари миқдорида, ўша қилмишлар такроран содир этилганда эса энг кам иш ҳақининг беш юз баравари миқдорида жарима ундирилади;

14) деҳқон (озик-овқат) бозорларидаги стационар савдо шохобчаларидан ташқарида ноозиқ-овқат истеъмол товарларини реализация қилганлик учун якка тартибдаги тадбиркорлардан энг кам иш ҳақининг юз баравари миқдорида жарима ундирилади;

15) реализация қилинган товарлар (хизматлар) учун олинган пул тушуми суммасини даромадлар ва товар операцияларини ҳисобга олиш рўйхатларига кирим қилмаган ҳолда савдони амалга оширганлик ва пуллик хизматлар кўрсатганлик учун якка тартибдаги тадбиркорлардан энг кам иш ҳақининг ўн баравари миқдорида, ўша қилмишлар такроран содир этилганда эса энг кам иш ҳақининг эллик баравари миқдорида жарима ундирилади;

16) стационар савдо ва хизмат кўрсатиш шохобчалари орқали аҳоли билан пул ҳисоб-китоблари амалга ошириладиганда нақд пул тушумини яширган тақдирда юридик шахслар ва якка тартибдаги тадбиркорлардан яширилган нақд пул тушуми миқдорида жарима ундирилади;

17) истеъмол товарларини улгуржи реализация қилишнинг белгиланган тартибини бузганлик учун юридик шахслардан (ишлаб чиқарувчи корхоналардан ва улгуржи етказиб берувчилардан) мазкур фаолиятдан олинган бутун даромад (фойда) ва яна шунча миқдорда жарима ундирилади».

**XIV.** Ўзбекистон Республикасининг 1997 йил 24 апрелда қабул қилинган «**Товар ишлаб чиқарувчилар ва тадбиркорлар палаталари тўғрисида**»ги Қонуни (Ўзбекистон Республикаси Олий Мажлисининг Ахборотномаси, 1997 йил, № 4-5, 112-модда; 1998 йил, № 9, 181-модда):

1) **1-моддасининг биринчи қисмидаги** «кичик, ўрта ва хусусий тадбиркорлик» деган сўзлар «кичик ва хусусий тадбиркорлик» деган сўзлар билан алмаштирилсин;

2) **3-моддаси иккинчи қисмининг:**

**учинчи, тўртинчи ва ўн биринчи хатбошиларидаги** «кичик, ўрта ва хусусий тадбиркорликни», «кичик, ўрта ва хусусий тадбиркорлик» деган сўзлар тегишли келишиқдаги «кичик ва хусусий тадбиркорлик» деган сўзлар билан алмаштирилсин;

**ўн иккинчи ва ўн бешинчи хатбошиларидаги** «ва ўрта» деган сўзлар чиқариб ташлансин;

3) **11-моддасининг иккинчи қисмидаги** «хокимлиги» деган сўз чиқариб ташлансин.

4) **13-моддаси иккинчи қисмининг иккинчи хатбошидаги** «кичик, ўрта ва хусусий тадбиркорлик» деган сўзлар «кичик ва хусусий тадбиркорлик» деган сўзлар билан алмаштирилсин.

**XV.** Ўзбекистон Республикасининг 1997 йил 25 апрелда қабул қилинган Қонуни билан тасдиқланган **Ўзбекистон Республикасининг Жиноят-ижроия кодекси** (Ўзбекистон Республикаси Олий Мажлисининг Ахборотномаси, 1997 йил, № 6, 175-модда; 2003 йил, № 9-10, 149-модда):

1) **45-моддасининг бешинчи қисмидаги** «умумий ва кучайтирилган тартибли колонияларга бўлинади ҳамда» деган сўзлар чиқариб ташлансин;

2) **46-моддасининг иккинчи хатбошиси** «эҳтиётсизлик оқибатида содир этилган унча оғир бўлмаган жиноятлар учун» деган сўзлардан кейин «шунингдек қасддан унча оғир бўлмаган жиноят содир этганлик учун» деган сўзлар билан тўлдирилсин;

3) **47-моддасининг матни** қуйидаги таҳрирда баён этилсин:

«Умумий тартибли колониялар қуйидагиларга бўлинади:

оғир жиноят содир этганлик учун биринчи марта озодликдан маҳрум этишга ҳукм қилинган эркаклар сақланадиган колониялар;

ўта оғир жиноят содир этганлик учун биринчи марта озодликдан маҳрум этишга ҳукм қилинган эркаклар сақланадиган колониялар;

оғир ёки ўта оғир жиноят содир этганлик учун озодликдан маҳрум этишга ҳукм қилинган аёллар сақланадиган колониялар, ушбу Кодекснинг 48-моддасида кўрсатилган аёллар бундан мустасно»;

4) **48-моддасининг иккинчи хатбошиси** чиқариб ташлансин;

5) **50-моддаси** қуйидаги таҳрирда баён этилсин:

#### **«50-модда. Тарбия колониялари**

Тарбия колониялари вояга етмай туриб жиноят содир этган маҳкумларни сақлашга мўлжалланган»;

6) **51-моддаси** чиқариб ташлансин;

7) **53-моддасининг биринчи қисми** қуйидаги таҳрирда баён этилсин:

«Қасддан содир этилган оғир жинояти учун биринчи марта саккиз йилгача ва саккиз йил муддатга озодликдан маҳрум этишга ҳукм қилинган шахслар алоҳида ҳолларда, маҳкумнинг ёзма розилиги бўлган тақдирда, муассаса бошлиғининг қарорига биноан хўжалик хизматида оид ишларни бажариш учун тергов хибсхонаси ёки турмада қолдирилиши мумкин»;

8) **91-моддасининг иккинчи қисми** қуйидаги мазмундаги **иккинчи** ва **учинчи қисмлар** билан алмаштирилсин:

«Озодликдан маҳрум этишга ҳукм қилинган шахсларга ҳар йилги меҳнат таътили берилмайди, жазони манзил-колонияларда ўтаётганлар бундан мустасно.

Манзил-колониялардаги маҳкумлар муддати ўн беш иш кунидан иборат ҳақ тўланадиган ҳар йилги меҳнат таътилига чиқиш ҳуқуқига эга. Таътил ушбу Кодекснинг 82-моддасида белгиланган тартибда манзил-колония доирасидан четга чиқиш ҳуқуқи билан берилади. Маҳкум жазони ижро этиш колониясининг интизомий бўлинмаси турар жойларида сақланган вақт ҳақ тўланадиган ҳар йилги меҳнат таътили бериш учун зарур муддатга қўшиб ҳисобланмайди»;

9) **105-моддаси биринчи қисмининг олтинчи хатбошиси** қуйидаги мазмундаги **олтинчи** ва **еттинчи хатбошилар** билан алмаштирилсин:

«сақлаш режимини ашаддий бузувчи маҳкумларни манзил-колониядан умумий тартибли колонияга ўтказиш;

сақлаш режимини ашаддий бузувчи маҳкумларни манзил-колониядан умумий ёки қаттиқ тартибли колонияга, қаттиқ тартибли колониядан махсус тартибли колонияга, колониядан турмага қайтариш»;

10) **111-моддаси** қуйидаги мазмундаги **иккинчи қисм** билан тўлдирилсин:

«Маҳкумнинг жазони ижро этиш муассасаси ҳудудини ёки маъмурият йўлланмаси билан бўлиши керак бўлган бошқа жойни ўзбошимчалик билан ташлаб кетиши ҳам манзил-колонияда жазони ўташ тартибини қўпол тарзда бузиш деб ҳисобланади»;

11) **112-моддаси:**

қуйидаги мазмундаги **иккинчи қисм** билан тўлдирилсин:

«Жазони ижро этиш муассасаси худудини ёки маъмурият йўлланмаси билан бўлиши керак бўлган бошқа жойни ўзбошимчалик билан йигирма тўрт соатдан кўпроқ муҳлат мобайнида ташлаб кетган маҳкум ҳам манзил-колонияда сақлаш режимини ашаддий бузувчи деб топилади»;

**иккинчи қисми учинчи қисм** деб ҳисоблансин;

12) **113-моддаси иккинчи қисмининг иккинчи хатбошиси** чиқариб ташлансин;

13) **124-моддасининг биринчи қисми** қуйидаги таҳрирда баён этилсин:

«Тарбия колонияларида:

ўн олти ёшгача бўлган вояга етмаган маҳкумлар каттароқ ёшдаги маҳкумлардан;

биринчи марта озодликдан маҳрум этишга ҳукм қилинган маҳкумлар илгари озодликдан маҳрум этиш тарикасидаги жазони ўтаган маҳкумлардан алоҳида сақланадилар»;

14) **125-моддасининг:**

**учинчи қисмидаги** «Умумий тартибли» деган сўзлар чиқариб ташлансин;

**тўртинчи қисми** чиқариб ташлансин;

**бешинчи қисми тўртинчи қисм** деб ҳисоблансин;

15) **129-моддасининг:**

**биринчи қисми** қуйидаги таҳрирда баён этилсин:

«Маҳкумлар йигирма бир ёшга тўлганидан, салбий тавсифга эга маҳкумлар эса ўн саккиз ёшга тўлганидан кейин жазо ўташни давом эттириш учун тарбия колониясидан умумий тартибли колонияга ўтказилади»;

**иккинчи қисми** чиқариб ташлансин;

**учинчи қисми иккинчи қисм** деб ҳисоблансин;

16) **164-моддасининг иккинчи қисми** «тақдим этиш масаласини» деган сўзлардан кейин «агар маҳкум ёки унинг адвокати тегишли илтимоснома билан судга бевосита мурожаат этмаган бўлса» деган сўзлар билан тўлдирилсин.

**XVI.** Ўзбекистон Республикасининг 1997 йил 29 августда қабул қилинган «**Бож тарифи тўғрисида**»ги Қонуни (Ўзбекистон Республикаси Олий Мажлисининг Ахборотномаси, 1997 йил, № 9, 228-модда; 1998 йил, № 9, 181-модда; 2001 йил, № 5, 89-модда; 2003 йил, № 1, 8-модда, № 5, 67-модда) **33-моддаси биринчи қисмининг йигирма тўртинчи хатбошисидаги** «ва ўрта» деган сўзлар чиқариб ташлансин.

**XVII.** Ўзбекистон Республикасининг 1997 йил 30 августда қабул қилинган «**Ўзбекистон Республикаси қонунларини тайёрлаш тўғрисида**»ги Қонуни (Ўзбекистон Республикаси Олий Мажлисининг Ахборотномаси, 1997 йил, № 9, 237-модда) **12-моддасининг биринчи қисми** қуйидаги таҳрирда баён этилсин:

«Ўзбекистон Республикаси Адлия вазирлиги:

1) қонун ижодкорлиги ва ҳуқуқни қўллаш амалиёти соҳасида ягона давлат сиёсати амалга оширилишини таъминлайди;

2) юқори органларнинг топшириғига биноан ва ўз ташаббуси билан қонун лойиҳаларини тайёрлайди, бошқа давлат органлари ва жамоат бирлашмалари билан биргаликда лойиҳаларни тайёрлашда иштирок этади;

3) қонун лойиҳаларини тайёрлаш заруратига оид масалаларни давлат бошқаруви органлари билан дастлабки тарзда келишиб олади;

4) Олий Мажлис ва унинг органларининг ёки Вазирлар Маҳкамасининг топшириқларига мувофиқ қонун лойиҳалари юзасидан юридик ҳулосалар беради;



5) қонун лойиҳаларини тайёрлашни амалга ошираётган вазирликлар, давлат қўмиталари ва идораларнинг ишини мувофиқлаштириб боради;

6) қонун ижодкорлиги масалаларида давлат бошқаруви органларининг фаолиятига методик раҳбарликни амалга оширади;

7) Олий Мажлисни, унинг органларини ва Вазирлар Маҳкамасини қонун лойиҳаларини ишлаб чиқиш масалалари юзасидан хабардор қилади».

**XVIII.** Ўзбекистон Республикасининг 1997 йил 30 августда қабул қилинган Қонуни билан тасдиқланган **Ўзбекистон Республикасининг Фуқаролик процессуал кодекси** (Ўзбекистон Республикаси Олий Мажлисининг Ахборотномаси, 1997 йил, 9-сонга илова; 2001 йил, № 1-2, 11-модда):

1) **2-моддасининг иккинчи қисмидаги** «даъво тартибидаги ишларни» деган сўзлар «буйруқ тартибидаги ишларни, даъво тартибидаги ишларни» деган сўзлар билан алмаштирилсин;

2) **16-моддасидаги** «ҳал қилув қарори, ажрими ва қарори», «ҳал қилув қарори, ажрим ва қарорнинг» деган сўзлар тегишинча «ҳал қилув қарори, ажрими, қарори ва буйруғи», «ҳал қилув қарори, ажрим, қарор ва буйруқнинг» деган сўзлар билан алмаштирилсин;

3) **18-моддасининг биринчи қисмидаги** «ҳал қилув қарори, ажрим, қарор» деган сўзлар «ҳал қилув қарори, ажрим, қарор ва буйруқ» деган сўзлар билан алмаштирилсин;

4) **34-моддасининг биринчи қисмидаги** «ҳал қилув қарори, ажрими ва қарори», «ҳал қилув қарори, ажрим ва қарорнинг» деган сўзлар тегишинча «ҳал қилув қарори, ажрими, қарори ва буйруғи», «ҳал қилув қарори, ажрим, қарор ва буйруқнинг» деган сўзлар билан алмаштирилсин;

5) қуйидаги мазмундаги **20<sup>1</sup>-боб** билан тўлдирилсин:

#### **«20<sup>1</sup>-боб. Буйруқ тартибида иш юритиш**

##### **238<sup>1</sup>-модда. Суд буйруғи асосида қарзни ундириш**

Суд буйруғи ундирувчининг пул маблағларини ундириш тўғрисидаги ёки кўчар мол-мулкни низосиз талаблар бўйича қарздордан талаб қилиб олиш тўғрисидаги аризаси бўйича судья судда ишни кўрмасдан чиқарган ҳужжатдир.

Суд буйруғи ижро ҳужжати кучига эга. Суд буйруғи бўйича ундирув буйруқ берилганидан кейин ва суд қарорларини ижро этиш учун белгиланган тартибда амалга оширилади.

##### **238<sup>2</sup>-модда. Суд буйруғини чиқариш бўйича талаблар**

Суд буйруғи қуйидаги ҳолларда чиқарилади:

- 1) агар талаб нотариал тасдиқланган битимга асосланган бўлса;
- 2) агар талаб ёзма битимга асосланган ва жавобгар томонидан тан олинган бўлса;
- 3) агар вояга етмаган болалар учун алиментлар ундириш ҳақидаги, оталикни белгилаш билан ёки учинчи шахсларни жалб этиш зарурати билан боғлиқ бўлмаган талаб арз қилинган бўлса.

##### **238<sup>3</sup>-модда. Суд буйруғини чиқариш тўғрисидаги аризининг шакли ва мазмуни**

Суд буйруғини чиқариш тўғрисидаги ариза судга ушбу Кодекснинг 22-бобида белгиланган судловга тааллуқлилиқнинг умумий қоидалари бўйича берилади.

Ариза ёзма шаклда берилади. Аризада қуйидагилар кўрсатилиши лозим:

- 1) ариза берилаётган суднинг номи;
  - 2) ундирувчининг номи (фамилияси, исми ва отасининг исми) ҳамда унинг яшаш жойи (юримдик шахснинг жойлашган ери ва рекувизитлари);
  - 3) қарздорнинг номи (фамилияси, исми ва отасининг исми) ҳамда унинг яшаш жойи (юримдик шахснинг жойлашган ери ва рекувизитлари);
  - 4) ундирувчининг талаби ва талабга асос бўлган ҳолатлар;
  - 5) арз қилинган талабни тасдиқловчи, илова этилаётган ҳужжатлар рўйхати.
- Кўчар мол-мулк талаб қилинган тақдирда аризада ушбу мол-мулкнинг қиймати кўрсатилиши лозим.

Ариза ундирувчи ёки унинг вакили томонидан имзоланади. Вакил томонидан берилаётган аризага унинг ваколатларини тасдиқловчи ҳужжат илова этилиши керак.

#### **238<sup>4</sup>-модда. Давлат божи**

Суд буйруғини чиқариш тўғрисида ариза берганлик учун қонун ҳужжатларида даъво иши юритиш учун белгиланган тартибда ва миқдорда давлат божи ундирилади.

Ундирувчи томонидан тўланган давлат божи аризани қабул қилиш рад этилган тақдирда қайтариб берилади.

Ундирувчи томонидан тўланган давлат божи суд буйруғи бекор қилинган тақдирда қайтариб берилмайди. Ундирувчи томонидан тўланган давлат божи, ундирувчи қарздорга даъво иши юритиш тартибда даъво тақдим этган тақдирда, тўланиши лозим бўлган бож ҳисобига ўтказилади.

#### **238<sup>5</sup>-модда. Суд буйруғини чиқариш тўғрисидаги аризани қабул қилишни рад этиш асослари**

Судья суд буйруғини чиқариш тўғрисидаги аризани қабул қилишни ушбу Кодексинг 152-моддасида назарда тутилган асослар бўйича рад этади. Бундан ташқари судья қуйидаги ҳолларда аризани қабул қилишни рад этади, агар:

- 1) арз қилинган талаб ушбу Кодексинг 238<sup>2</sup>-моддасида назарда тутилмаган бўлса;
- 2) қарздор Ўзбекистон Республикаси судлари юрисдикцияси доирасидан четда бўлса;
- 3) арз қилинган талабни тасдиқловчи ҳужжатлар тақдим этилмаган бўлса;
- 4) ҳуқуқ тўғрисида низо мавжуд деб ҳисобланса;
- 5) аризининг шакли ва мазмуни ушбу Кодекс 238<sup>3</sup>-моддасининг талабларига жавоб бермаса;
- 6) ариза берганлик учун давлат божи тўланмаган бўлса.

Судья аризани қабул қилишни рад этиш тўғрисида ариза судга келиб тушган кундан эътиборан уч кунлик муддат ичида ажрим чиқаради.

Аризани қабул қилишнинг рад этилиши ундирувчининг ана шу талаб бўйича даъво ишини юритиш тартибда даъво тақдим этиш имкониятига тўсқинлик қилмайди.

#### **238<sup>6</sup>-модда. Аризадаги камчиликларни бартараф этиш**

Агар ариза ушбу Кодекс 238<sup>3</sup>-моддасининг талабларига жавоб бермаса ёки ариза берганлик учун давлат божи тўланмаган бўлса, судья суд буйруғини чиқариш тўғрисидаги аризани қабул қилишга ва ўз ажрими билан ундирувчига камчиликларни бартараф этиш ёхуд давлат божини тўлаш учун кўпи билан уч кун муҳлат белгилашга ҳақли.

Агар ундирувчи судьянинг кўрсатмаларига мувофиқ, у белгилаган муддатда камчиликларни бартараф этса, давлат божини тўласа, ариза судга дастлаб тақдим этилган куни берилган ҳисобланади. Акс ҳолда, судья ушбу Кодекснинг 238<sup>5</sup>-моддасига мувофиқ аризани қабул қилишни рад этиш тўғрисида ажрим чиқаради.

**238<sup>7</sup>-модда. Суд буйруғини чиқариш муддати**

Арз қилинган талабнинг мазмуни бўйича суд буйруғи ариза судга келиб тушган кундан эътиборан уч кун ичида судья томонидан чиқарилади.

**238<sup>8</sup>-модда. Суд буйруғининг мазмуни**

Суд буйруғида қуйидагилар кўрсатилади:

- 1) иш юритиш тартиб рақами ва буйруқ чиқарилган сана;
- 2) суднинг номи, буйруқ чиқарган судьянинг фамилияси ҳамда исми ва отаси исмининг бош ҳарфлари;
- 3) ундирувчининг номи (фамилияси, исми ва отасининг исми), яшаш жойи ёки жойлашган ери;
- 4) қарздорнинг номи (фамилияси, исми ва отасининг исми), яшаш жойи ёки жойлашган ери;
- 5) талабни қондириш учун асос бўлган қонун;
- 6) ундирилиши лозим бўлган пул суммасининг миқдори ёки талаб қилиб олиниши лозим бўлган кўчар мол-мулкнинг қиймати ҳам кўрсатилган ҳолдаги белгиси;
- 7) агар қонунда ёки шартномада неустойка ундириш назарда тутилган бўлса, неустойка миқдори;
- 8) қарздордан ундирилиши лозим бўлган давлат божининг суммаси;
- 9) арз қилинган талабга қарши қарздор томонидан эътироз билдириш муддати ва тартиби.

Вояга етмаган болалар учун алиментлар ундириш тўғрисидаги суд буйруғида ушбу модданинг 1—5 ва 8-бандларида назарда тутилган маълумотлардан ташқари қуйидагилар кўрсатилади: қарздорнинг туғилган санаси ва жойи, таъминоти учун алимент ундирилиши лозим бўлган ҳар бир боланинг исми ва туғилган санаси, қарздордан ҳар ойда ундириладиган тўловлар миқдори ва уларни ундириш муддати.

Суд буйруғи судья томонидан имзоланади.

**238<sup>9</sup>-модда. Қарздорга суд буйруғининг кўчирма нусхасини юбориш**

Суд буйруғи чиқарилганидан кейин судья унинг кўчирма нусхасини дарҳол қарздорга юборади.

Суд буйруғининг кўчирма нусхасини олган кундан эътиборан ўн кунлик муддат ичида қарздор арз қилинган талабга қарши ўз эътирозларини буйруқни чиқарган судга юборишга ҳақли.

**238<sup>10</sup>-модда. Суд буйруғини бекор қилиш**

Агар белгиланган муддатда қарздордан арз қилинган талабга қарши эътирозлар тушса, судья суд буйруғини бекор қилиб, бу ҳақда ажрим чиқаради. Суд буйруғини бекор қилиш тўғрисидаги ажримда судья ундирувчи арз қилган талаб даъво ишларини юритиш тартибида тақдим этилиши мумкинлигини тушунтиради. Суд буйруғини бекор қилиш тўғрисидаги ажримнинг нусхалари ажрим чиқарилганидан кейин уч кундан кечиктирмай тарафларга юборилади.

**238<sup>11</sup>-модда. Суд буйруғини ундирувчига бериш**

Агар белгиланган муддатда қарздордан судга эътироз тушмаса, судья суднинг

мухри билан тасдиқланган суд буйруғини ижро этишга тақдим қилиш учун ундирувчига беради.

Ундирувчининг илтимосига кўра, суд буйруғи ижро этиш учун бевосита суд томонидан юборилиши мумкин.

Қарздордан давлат божини ундириш мақсадида суднинг мухри билан тасдиқланган суд буйруғининг алоҳида нусхаси ижро этиш учун бевосита суд томонидан юборилади».

6) **322-моддасининг бешинчи қисми** чиқариб ташлансин.

**XIX.** Ўзбекистон Республикасининг 1998 йил 30 апрелда қабул қилинган «**Қишлоқ хўжалиги кооперативи (ширкат хўжалиги) тўғрисида**»ги Қонунининг (Ўзбекистон Республикаси Олий Мажлисининг Ахборотномаси, 1998 йил, № 5-6, 84-модда; 2003 йил, № 9-10, 149-модда) **33-моддаси** қуйидаги мазмундаги **учинчи қисм** билан тўлдирилсин:

«Ходимнинг меҳнат мажбуриятларини бажариши муносабати билан унинг ҳаёти ва соғлиғига етказилган зарар учун жавобгар бўлган қайта ташкил этилаётган ёки тугатилаётган қишлоқ хўжалиги кооперативида (ширкат хўжалигида) маблағ бўлмаган ёхуд етарли бўлмаган тақдирда, ундирилиши лозим бўлган суммалар қонун ҳужжатларида назарда тутилган тартибда давлат томонидан тўланади. Қишлоқ хўжалиги кооперативи (ширкат хўжалиги) фермер хўжаликлари этиб қайта ташкил этилган ҳолларда, мазкур суммалар қайта ташкил этилаётган қишлоқ хўжалиги кооперативида (ширкат хўжалигида) маблағ бор ёки йўқлигидан қатъи назар, Ўзбекистон Республикаси Ҳукуматининг қарорларига мувофиқ тўланади»;

**учинчи қисми** тегишинча **тўртинчи қисм** деб ҳисоблансин.

**XX.** Ўзбекистон Республикасининг 1998 йил 30 апрелда қабул қилинган «**Фермер хўжалиги тўғрисида**»ги Қонунининг (Ўзбекистон Республикаси Олий Мажлисининг Ахборотномаси, 1998 йил, № 5-6, 86-модда; 2001 йил, № 1-2, 23-модда, № 5, 89-модда) **35-моддаси** қуйидаги мазмундаги **учинчи қисм** билан тўлдирилсин:

«Ходимнинг меҳнат мажбуриятларини бажариши муносабати билан унинг ҳаёти ва соғлиғига етказилган зарар учун жавобгар бўлган қайта ташкил этилаётган ёки тугатилаётган фермер хўжалигида маблағ бўлмаган ёхуд етарли бўлмаган тақдирда, ундирилиши лозим бўлган суммалар қонун ҳужжатларида назарда тутилган тартибда давлат томонидан тўланади».

**XXI.** Ўзбекистон Республикасининг 1998 йил 30 апрелда қабул қилинган «**Дехқон хўжалиги тўғрисида**»ги Қонунининг (Ўзбекистон Республикаси Олий Мажлисининг Ахборотномаси, 1998 йил, № 5-6, 88-модда; 2001 йил, № 1-2, 23-модда, № 5, 89-модда; 2003 йил, № 9-10, 149-модда) **31-моддаси** қуйидаги мазмундаги **учинчи қисм** билан тўлдирилсин:

«Ходимнинг меҳнат мажбуриятларини бажариши муносабати билан унинг ҳаёти ва соғлиғига етказилган зарар учун жавобгар бўлган қайта ташкил этилаётган ёки тугатилаётган дехқон хўжалигида маблағ бўлмаган ёхуд етарли бўлмаган тақдирда, ундирилиши лозим бўлган суммалар қонун ҳужжатларида назарда тутилган тартибда давлат томонидан тўланади»;

**учинчи қисми** тегишинча **тўртинчи қисм** деб ҳисоблансин.

**XXII.** Ўзбекистон Республикасининг 1998 йил 30 апрелда қабул қилинган «**Чет эллик инвесторлар ҳуқуқларининг кафолатлари ва уларни ҳимоя қилиш чоралари тўғрисида**»ги Қонуни (Ўзбекистон Республикаси Олий Мажлисининг Ахборотномаси, 1998 йил, № 5-6, 93-модда) **4-моддаси иккинчи қисмининг тўртинчи хатбошисидаги** «ва ўрта» деган сўзлар чиқариб ташлансин.

**XXIII.** Ўзбекистон Республикасининг 1998 йил 30 апрелда қабул қилинган Қонуни билан тасдиқланган **Ўзбекистон Республикасининг Оила кодекси** (Ўзбекистон Республикаси Олий Мажлисининг Ахборотномаси, 1998 йил, 5-6-сонга илова; 2003 йил, № 1, 8-модда):

1) **96-моддасининг:**

**иккинчи қисми** «суднинг ҳал қилув қарорига» деган сўзлардан кейин «ёки суд буйруғига» деган сўзлар билан тўлдирилсин;

**учинчи қисми** «судга даъво» деган сўзлардан кейин «ёхуд ариза» деган сўзлар билан тўлдирилсин;

2) **114-моддасининг матни** қуйидаги таҳрирда баён этилсин:

«Алимент ундириш тўғрисидаги суднинг ҳал қилув қарори ёки суд буйруғи қонун ҳужжатларида белгиланган тартибда ижро этилади»;

3) **115-моддасининг биринчи қисмидаги** «суд қарори» деган сўзлар «суднинг ҳал қилув қарори ёки суд буйруғи» деган сўзлар билан алмаштирилсин;

4) **135-моддасининг учинчи қисми** қуйидаги таҳрирда баён этилсин:

«Алиментнинг ихтиёрий равишда тўлаб турилиши алимент ундирувчини алимент ундириш ҳақидаги даъво ёки ариза билан хоҳлаган вақтда судга мурожаат қилиш ҳуқуқидан маҳрум этмайди»;

5) **136-моддасининг иккинчи ва учинчи қисмлари** қуйидаги мазмундаги **иккинчи, учинчи ва тўртинчи қисмлар** билан алмаштирилсин:

«Мазкур шахс, низо бўлмаган тақдирда, вояга етмаган болалар учун алимент ундириш тўғрисидаги ариза билан судга мурожаат этишга ҳақли бўлиб, бу ариза буйруқ тартибда иш юритиш тарзида кўриб чиқилади.

Алимент судга мурожаат этилган пайтдан бошлаб ундирилади.

Агар таъминот учун маблағ олиш чоралари судга мурожаат қилингунга қадар кўрилганлиги, аммо алимент тўлаши шарт бўлган шахснинг уни тўлашдан бош тортганлиги оқибатида алимент олинмаганлиги суд томонидан аниқланса, ўтган давр учун алимент судга мурожаат этилган пайтдан бошлаб уч йиллик муддат доирасида ундириб олиниши мумкин».

**XXIV.** Ўзбекистон Республикасининг 1998 йил 24 декабрда қабул қилинган «**Инвестиция фаолияти тўғрисида**»ги Қонуни (Ўзбекистон Республикаси Олий Мажлисининг Ахборотномаси, 1999 йил, № 1, 10-модда) **19-моддасининг иккинчи қисмидаги** «ва ўрта» деган сўзлар чиқариб ташлансин.

**XXV.** Ўзбекистон Республикасининг 2000 йил 25 майда қабул қилинган «**Тадбиркорлик фаолияти эркинлигининг кафолатлари тўғрисида**»ги Қонуни (Ўзбекистон Республикаси Олий Мажлисининг Ахборотномаси, 2000 йил, № 5-6, 140-модда; 2001 йил, № 5, 89-модда; 2003 йил, № 5, 67-модда):

1) **5-моддаси** қуйидаги таҳрирда баён этилсин:

**«5-модда. Кичик тадбиркорлик субъектлари**

Кичик тадбиркорлик субъектлари қуйидагилардир:

якка тартибдаги тадбиркорлар;

ишлаб чиқариш тармоқларидаги, банд бўлган ходимларининг ўртача йиллик сони кўпи билан йигирма киши, хизмат кўрсатиш соҳасидаги ва бошқа ноишлаб чиқариш тармоқларидаги, банд бўлган ходимларининг ўртача йиллик сони кўпи билан ўн киши, улгуржи ва чакана савдо ҳамда умумий овқатланиш тармоқларидаги, банд бўлган ходимларининг ўртача йиллик сони кўпи билан беш киши бўлган микрофирмалар;

қуйидаги тармоқлардаги:

енгил ва озиқ-овқат саноатидаги, металлга ишлов бериш ва асбобсозлик, ёғоч-созлик, мебель саноати ҳамда қурилиш материаллари саноатидаги, банд бўлган ходимларининг ўртача йиллик сони кўпи билан юз киши;

машинасозлик, металлургия, ёқилғи-энергетика ва кимё саноати, кишлоқ хўжалик маҳсулотларини ишлаб чиқариш ва қайта ишлаш, қурилиш ҳамда бошқа саноат-ишлаб чиқариш соҳаларидаги, банд бўлган ходимларининг ўртача йиллик сони кўпи билан эллик киши;

фан, илмий хизмат кўрсатиш, транспорт, алоқа, хизмат кўрсатиш соҳалари (суғурта компанияларидан ташқари), савдо ва умумий овқатланиш ҳамда бошқа ноишлаб чиқариш соҳаларидаги, банд бўлган ходимларининг ўртача йиллик сони кўпи билан йигирма беш киши бўлган кичик корхоналар.

Кичик тадбиркорлик субъектлари ходимларининг ўртача йиллик сони қонун ҳужжатларида белгиланган тартибда аниқланади. Бунда унитар (шўъба) корхоналарда, филиалларда ва ваколатхоналарда ишловчиларнинг сони ҳам ҳисобга олинади.

Фаолиятнинг бир неча турини амалга оширувчи (кўп тармоқли) юридик ва жисмоний шахслар йиллик оборот ҳажмида улуши энг кўп бўлган фаолият тури мезонлари бўйича кичик тадбиркорлик субъектларига киради»;

2) **17-моддасининг иккинчи қисмидаги** «ва ўрта» деган сўзлар чиқариб ташлансин.

**XXVI.** Ўзбекистон Республикасининг 2000 йил 14 декабрда қабул қилинган «**Норматив-ҳуқуқий ҳужжатлар тўғрисида**»ги Қонуни (Ўзбекистон Республикаси Олий Мажлисининг Ахборотномаси, 2001 йил, № 1-2, 8-модда):

1) **18-моддасининг учинчи қисми** қуйидаги мазмундаги **жумла** билан тўлдирилсин:

«Маҳаллий давлат ҳокимияти органларининг норматив хусусиятга эга бўлган қарорлари лойиҳаларининг юридик экспертизаси вилоятлар ва Тошкент шаҳар адлия бошқармалари томонидан амалга оширилади»;

2) **25-моддасининг биринчи, иккинчи ва учинчи қисмлари** қуйидаги таҳрирда баён этилсин:

«Ўзбекистон Республикаси Олий Мажлисининг Ахборотномаси», «Ўзбекистон Республикаси қонун ҳужжатларининг тўплами», «Халқ сўзи» ва «Народное слово» газеталари Ўзбекистон Республикасининг қонунлари, Ўзбекистон Республикаси Олий Мажлисининг қарорлари, Ўзбекистон Республикаси Президентининг фармонлари эълон қилинадиган расмий манбалардир.

«Ўзбекистон Республикаси Ҳукумати қарорларининг тўплами», «Ўзбекистон Республикаси қонун ҳужжатларининг тўплами», «Халқ сўзи» ва «Народное слово» газеталари Ўзбекистон Республикаси Вазирлар Маҳкамасининг қарорлари эълон қилинадиган расмий манбалардир.

«Ўзбекистон Республикаси қонун ҳужжатларининг тўплами», вазирликлар, давлат қўмиталари ва идораларнинг расмий нашрлари Ўзбекистон Республикаси вазирликлари, давлат қўмиталари ва идораларининг норматив-ҳуқуқий ҳужжатлари эълон қилинадиган расмий манбалардир».

**XXVII.** Ўзбекистон Республикаси Олий Мажлисининг 2000 йил 14 декабрда қабул қилинган Қарори (Ўзбекистон Республикаси Олий Мажлисининг Ахборотномаси, 2001 йил, № 1-2, 12-модда) билан тасдиқланган янги таҳрирдаги **Суд ходимларининг мансаб даражалари тўғрисидаги низомнинг**:

1) **5-моддаси** қуйидаги таҳрирда баён этилсин:

«5. 1, 2 ва 3-даражали адлия маслаҳатчиси, шунингдек 1, 2 ва 3-даражали юрист мансаб даражаларини:

умумий юрисдикция судлари аппарати ходимларига — Ўзбекистон Республикаси Олий суди раиси;

хўжалик судлари аппарати ходимларига — Ўзбекистон Республикаси Олий хўжалик суди раиси беради»;

2) **8-моддасидаги** «ва Ўзбекистон Республикаси адлия вазири» деган сўзлар чиқариб ташлансин;

3) **12** ва **13-моддаларидаги** «Ўзбекистон Республикаси адлия вазири» деган сўзлар чиқариб ташлансин.

**Ўзбекистон Республикасининг Президенти И. КАРИМОВ**

Тошкент ш.,  
2003 йил 12 декабрь,  
568-II-сон

## УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

### **70** Устувор инвестиция лойиҳаларини амалга ошириш учун хорижий инвестицияларни жалб этиш механизмини такомиллаштириш тўғрисида

Устувор инвестиция лойиҳаларини ишлаб чиқиш ва амалга ошириш механизмини такомиллаштириш, халқаро молия тузилмалари, хорижий молия ва суғурта ташкилотларининг ҳамда донор мамлакатларнинг молиявий ресурсларини ва грантларини жалб этиш жараёнида республика давлат органлари фаолиятини мувофиқлаштиришни яхшилаш мақсадида Вазирлар Маҳкамаси **қарор қилади:**

1. Ўзбекистон Республикаси Иқтисодиёт вазирлигига:

устувор инвестиция лойиҳаларини пухта ишлаб чиқиш ва уларнинг портфелини шакллантириш, иқтисодий ривожлантириш ва таркибий ўзгартиришларнинг узок муддатли прогнозлари ва устуворликлари, шунингдек ишлаб чиқариш ва ижтимоий инфратузилмани ривожлантириш юзасидан Ҳукумат томонидан белгиланган йўналишлар асосида халқаро молия тузилмалари, хорижий молия ва суғурта ташкилотлари ҳамда донор мамлакатлар билан уларни амалга ошириш чора-тадбирларини ишлаб чиқиш;

халқаро молия тузилмалари (Жаҳон банки, Осие тараққиёт банки, Европа тикланиш ва тараққиёт банки, Ислон тараққиёт банки), хорижий молия ва суғурта ташкилотлари ҳамда донор мамлакатлар билан республика учун муҳим аҳамиятга эга бўлган инвестиция лойиҳаларини амалга оширишга уларни жалб этиш юзасидан истиқболли ва жорий дастурларни ўрганиш, умумлаштириш ва таклифлар тайёрлаш;

инвестиция лойиҳаларининг техник-иқтисодий асослашлари ишлаб чиқилишини мувофиқлаштириш, молиялаштириш ташкилотларига қўйиладиган стандартларга тўлиқ мувофиқ ҳолда уларни белгиланган тартибда ваколатли органларда экспертизадан ўтказиш;

инвестиция лойиҳаларини тайёрлаш, амалга ошириш ва уларнинг самарадорлигини баҳолаш бўйича тадбирларни ишлаб чиқиш ва амалга ошириш, инвестиция жараёни самарадорлигини ошириш ва устувор инвестиция лойиҳалари портфелини янгилаш юзасидан Вазирлар Маҳкамасига аниқ таклифлар киритиш юклансин.

Белгилаб қўйилсинки, Ўзбекистон Республикаси Иқтисодиёт вазирлиги кўрсатиб ўтилган вазифаларнинг Ўзбекистон Республикаси Молия вазирлиги, Ташқи иқтисодий алоқалар агентлиги ҳамда тижорат банклари билан яқин ҳамкорликда амалга оширилишини таъминлайди.

2. Ўзбекистон Республикаси Иқтисодиёт вазирлигининг Инвестиция ва таркибий сиёсат бош бошқармаси Индустрияни ривожлантириш, таркибий ва инвестиция сиёсати бош бошқармасига айлантирилсин, унинг таркибида:

Индустрияни ривожлантириш ва таркибий сиёсат бошқармаси;

Инвестициялар ва инвестиция дастурлари бошқармаси ташкил этилсин.

3. Ўзбекистон Республикаси Иқтисодиёт вазирлигига қўшимча вазифалар юк-



ланиши муносабати билан марказий аппарат ходимлари сонини 4 кишига кўпайтиришга рухсат берилсин.

Ўзбекистон Республикаси Молия вазирлиги, Иқтисодиёт вазирлиги тасдиқланадиган харажатлар сметасига мувофиқ ходимларнинг қўшимча сони таъминотига Давлат бюджети ҳисобига маблағлар ажратишни назарда тутсинлар.

4. Ўзбекистон Республикаси Иқтисодиёт вазирлиги марказий аппаратининг тузилмаси 1-иловага мувофиқ тасдиқлансин.


5. Ўзбекистон Республикаси Вазирлар Маҳкамасининг «Ўзбекистон Республикаси Иқтисодиёт вазирлиги фаолиятини ташкил этиш тўғрисида» 2003 йил 22 январдаги 37-сон қарорига (Ўзбекистон Республикаси ҚТ, 2003 й., 1-сон, 10-модда) 2-иловага мувофиқ ўзгартиришлар киритилсин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

**Вазирлар Маҳкамасининг Раиси И. КАРИМОВ**

Тошкент ш.,  
2004 йил 9 февраль,  
58-сон

**Ўзбекистон Республикаси Иқтисодиёт вазирлиги марказий аппарати тузилмаси**



Ходимларнинг умумий чекланган сони — 150 нафар, шу жумладан бошқарув ходимлар сони — 150 нафар.

Вазирлар Маҳкамасининг  
2004 йил 9 февралдаги 58-сон қарорига  
2-ИЛОВА

**Ўзбекистон Республикаси Вазирлар Маҳкамасининг «Ўзбекистон Республикаси Иқтисодиёт вазирлиги фаолиятини ташкил этиш тўғрисида» 2003 йил 22 январдаги 37-сон қарорига киритилаётган ўзгартириш ва қўшимчалар**

1. 2-бандда «146» рақами «150» рақами билан алмаштирилсин.
2. 1а-илова ўз кучини йўқотган деб ҳисоблансин.
3. 5-иловада:

а) 9-банд қуйидаги мазмундаги хатбоши билан тўлдирилсин:

«республика учун муҳим аҳамиятга эга бўлган инвестиция дастурларини амалга оширишга халқаро молия тузилмалари, хорижий молия ва суғурта ташкилотлари ҳамда донор мамлакатларни иштирок этишга фаол жалб этиш мақсадида улар билан ҳамкорлик ишларини мувофиқлаштириш»;

10-банд қуйидаги мазмундаги хатбоши билан тўлдирилсин:

«устувор инвестиция лойиҳаларини пухта ишлаб чиқади ва уларнинг портфелини шакллантиради, узоқ муддатли прогнозлар, ривожлантириш устуворликлари, таркибий ўзгартиришлар, шунингдек ишлаб чиқариш ва ижтимоий инфратузилмани ривожлантириш йўналишлари асосида халқаро молия тузилмалари, хорижий молия ва суғурта ташкилотлари ҳамда донор мамлакатлар билан уларни амалга ошириш чора-тадбирларини ишлаб чиқади;

халқаро молия тузилмалари (Жаҳон банки, Осиё тараққиёт банки, Европа тикланиш ва тараққиёт банки, Ислом тараққиёт банки), хорижий молия ва суғурта ташкилотлари ҳамда донор мамлакатлар билан республика учун муҳим аҳамиятга эга бўлган инвестиция лойиҳаларини амалга оширишга уларни жалб этиш юзасидан истиқболли ва жорий дастурларни ўрғанади, умумлаштиради ва таклифлар тайёрлайди;

инвестиция лойиҳаларининг техник-иқтисодий асослашлари ишлаб чиқилишини, улар молиялаштириш ташкилотларига қўйиладиган стандартларга тўлиқ мувофиқ ҳолда зарурат бўлганда хорижий экспертларни жалб этган ҳолда белгиланган тартибда ваколатли органларда экспертизадан ўтказилишини мувофиқлаштиради;

инвестиция лойиҳаларини тайёрлаш, амалга ошириш ва уларнинг самарадорлигини баҳолаш бўйича тадбирларни ишлаб чиқади ва амалга оширади, республикадаги иқтисодий ва ижтимоий қайта ўзгартиришлар стратегиясидан келиб чиқиб инвестиция жараёни самарадорлигини ошириш ва устувор инвестиция лойиҳалари портфелини янгилаш юзасидан Вазирлар Маҳкамасига аниқ таклифлар киритади».

в) 16-бандда:

«бош бошқармалар» сўзларидан кейин «бошқармалар» сўзи қўшилсин;

иккинчи хатбоши қуйидаги таҳрирда баён қилинсин:

«Бошқарма бошлиқлари мақомига кўра бош бошқарма бошлиғига, бўлимлар бошлиқлари — бошқарма бошлиғига, гуруҳлар раҳбарлари эса — бошқарма бошлиғининг ўринбосарига тенглаштирилади»;

учинчи хатбошида «Иқтисодиёт вазирлигининг» сўзларидан кейин «бошқарма» сўзи қўшилсин.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## **71 Хорижий инвестициялар иштирокидаги устувор лойиҳаларни ҳисобга олишни тартибга солиш ва улар мониторингини олиб бориш чора-тадбирлари тўғрисида**

Хорижий сармоялар бўйича агентлик фаолиятини ўрганиб чиқиш потенциал чет эл инвесторларини ахборот билан таъминлаш, республикага хорижий инвестицияларни жалб этиш, инвестиция лойиҳаларини ишлаб чиқиш ва амалга оширишга кўмаклашиш ҳамда комплекс мониторинг олиб бориш бўйича Агентлик томонидан зарур чора-тадбирлар амалга оширилмаётганлигини кўрсатди.

Хорижий инвестицияларни жалб этиш ишларини мақбуллаштириш, уларнинг истикболли инвестиция лойиҳаларига оқимини кўпайтириш ва республикага хорижий инвестициялар жалб этилиши учун масъул бўлган ташкилотлар фаолиятида бир-бирини такрорлашни истисно этиш мақсадида Вазирлар Маҳкамаси **қарор қилади:**

1. Акциядорларнинг умумий йиғилиши қарорига кўра «Хорижий сармоялар бўйича агентлик» акциядорлик жамияти тугатилиши маълумот учун қабул қилинсин.

2. «Хорижий сармоялар бўйича агентлик» акциядорлик жамиятини тугатиш бўйича иловага\* мувофиқ таркибда комиссия ташкил этилсин.

Комиссия икки ой муддатда қонун ҳужжатларида белгиланган тартибда Агентликни тугатиш чора-тадбирларини амалга оширсин.

3. Ўзбекистон Республикаси Ташқи иқтисодий алоқалар агентлиги тузилмасида штатдаги ходимларнинг умумий сони доирасида штатдаги ходимлари сони 5 нафар бўлган, халқаро молия ташкилотлари ва донор мамлакатлар билан ҳамкорлик доирасида амалга оширилаётган лойиҳаларни ҳисобга олиш ва улар мониторингини олиб бориш бошқармаси ташкил этилсин.

Мазкур бошқармага қуйидаги вазифаларни амалга ошириш юклансин:

хорижий имтиёзли кредитлар ва грантлар асосида амалга оширилаётган устувор лойиҳаларни тайёрлаш ва амалга оширишнинг бориши тўғрисидаги маълумотлар банкни ташкил этиш ва юритиш;

халқаро молия ташкилотлари ва донор мамлакатларнинг маблағларини жалб этиш ишларининг мунтазам равишда мониторингини олиб бориш;

сармоянинг халқаро бозорларини ўрганиш ҳамда халқаро молия тузилмалари, хорижий молия ва суғурта институтлари ва донор мамлакатларнинг маблағларини жалб этишни давом эттириш юзасидан таклифлар киритиш;

хорижий инвесторларни республикадаги мавжуд потенциал инвестиция имкониятлари ва амалга оширилаётган лойиҳалар тўғрисидаги ахборотлар билан таъминлаш.

4. Ўзбекистон Республикаси Иқтисодиёт вазирлиги бўйича марказий аппарат тузилмаси ва унинг тўғрисидаги низом қайта кўриб чиқилганлиги маълумот учун қабул қилинсин. Инвестиция ва таркибий сиёсат бош бошқармасига инвестиция дастурларини тайёрлаш, экспертизадан ўтказиш ва уларнинг бажарилиши мониторингини олиб бориш вазифалари билан бир қаторда қўшимча равишда шунингдек халқаро молия тузилмалари (Жаҳон банки, Осиё тараққиёт банки, Европа тикланиш ва тараққиёт банки, Ислом тараққиёт банки), чет эл молия ва суғурта ташкилотлари ҳамда донор мамлакатлар билан уларни республика учун муҳим аҳамиятга

\* Илова берилмайди.

эга бўлган инвестиция лойиҳаларини амалга оширишга жалб этиш бўйича ҳамкорлик қилишга доир таклифларни, истиқболли ва жорий дастурларни ўрганиш, умумлаштириш ва тайёрлаш масалалари ҳам юкланган.

5. Ўзбекистон Республикаси Иқтисодиёт вазирлиги бир ой муддатда ишлаб чиқиш босқичидаги устувор инвестиция лойиҳаларини хатловдан ўтказсин ҳамда манфаатдор тузилмалар, вилоятлар ва Тошкент шаҳар ҳокимликлари билан биргаликда уларни тасдиқлаш ва амалга оширишни жадаллаштириш чора-тадбирларини кўрсин.

6. Ўзбекистон Республикаси Вазирлар Маҳкамасининг «Хорижий сармоялар бўйича агентликни акциядорлик жамиятига айлантириш тўғрисида» 1999 йил 31 мартдаги 148-сон қарори ўз кучини йўқотган деб ҳисоблансин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари Э.М. Ғаниев ва Р.С. Азимов зиммасига юклансин.

**Вазирлар Маҳкамасининг Раиси И. КАРИМОВ**

Тошкент ш.,  
2004 йил 9 февраль,  
59-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## **73** Ўзбекистон Республикаси Ҳукуматининг айрим қарорларига ўзгартиришлар киритиш тўғрисида

Ўзбекистон Республикаси Вазирлар Маҳкамасининг «Вазирликлар ва идораларнинг бюджетдан ташқари жамғармаларига маблағлар ажратиш ва улардан фойдаланишни тартибга солиш чора-тадбирлари тўғрисида» 2003 йил 19 ноябрдаги 520-сон қарорига мувофиқ Вазирлар Маҳкамаси **қарор қилади:**

Ўзбекистон Республикаси Ҳукуматининг иловага мувофиқ айрим қарорларига ўзгартиришлар киритилсин.

**Вазирлар Маҳкамасининг Раиси И. КАРИМОВ**

Тошкент ш.,  
2004 йил 11 февраль,  
67-сон

Вазирлар Маҳкамасининг  
2004 йил 11 февралдаги 67-сон қарорига  
ИЛОВА

### **Ўзбекистон Республикаси Ҳукуматининг айрим қарорларига киритилаётган ўзгартиришлар**

1. Ўзбекистон Республикаси Вазирлар Маҳкамасининг «Хорижий валютадаги давлат божлари, йиғимлар ҳамда солиқ бўлмаган бошқа тўловлар ставкалари тўғрисида» 1993 йил 19 августдаги 423-сон қарорига 2-илованинг «Божлар, йиғимлар ва солиқ бўлмаган бошқа тўловлардан тушган валюта тушумларини тақсимлаш» жадвалида:

1-банддаги «15» ва «85» рақамлари тегишли равишда «20» ва «80» рақамлари билан алмаштирилсин;

2 ва 3-бандлардаги «15» ва «85» рақамлари тегишли равишда «65» ва «35» рақамлари билан алмаштирилсин;

4-банддаги «15» ва «85» рақамлари тегишли равишда «10» ва «90» рақамлари билан алмаштирилсин;

5-банддаги «Вазирликлар, идоралар фонди» устуни «10%» рақами билан тўлдирилсин, «Давлат бюджети» устунидаги «100» рақами «90» рақами билан алмаштирилсин;

9-банддаги «15» ва «85» рақамлари тегишли равишда «100» ва «0» рақамлари билан алмаштирилсин.

2. Ўзбекистон Республикаси Вазирлар Маҳкамасининг «Давлат мулкани давлат тасарруфидан чиқариш, хусусийлаштиришдан тушган маблағларни ҳисобга олиш, тақсимлаш ва улардан фойдаланишни назорат қилиш тартибини тасдиқлаш тўғрисида» 1998 йил 22 августдаги 362-сон қарорига илова 3-бандининг олтинчи хатбоши қуйидаги таҳрирда баён қилинсин:

«2 фоизи — тенг улушда Давлат мулки қўмитасининг тақсимлаш ва бошқариш функцияларини амалга ошириш ҳамда Давлат мулкани хорижий инвесторларга сотиш бўйича тендер савдолари ўтказувчи Давлат комиссиясининг қарорига кўра хусусийлаштириш дастурини ахборот билан таъминлаш билан боғлиқ харажатларни қоплашга сарфланади».

#### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

### **74 Ўзбекистон Республикаси Вазирлар Маҳкамасининг «Давлат мулкани хусусийлаштиришда хорижий сар- мояларни жалб қилишни рағбатлантириш чора-тадбирлари тўғрисида» 1998 йил 18 ноябрдаги 477-сон қарорига ўзгарти- ришлар киритиш тўғрисида**

Ўзбекистон Республикаси Вазирлар Маҳкамасининг «Хусусийлаштиришдан тушадиган маблағларни тақсимлаш тартибини такомиллаштириш тўғрисида» 2003 йил 14 ноябрдаги 512-сон қарорига мувофиқ Вазирлар Маҳкамаси **қарор қилади:**

---

*Ўзбекистон Республикаси Қонун ҳужжатлари тўплами, 2004 й.*

Ўзбекистон Республикаси Вазирлар Маҳкамасининг «Давлат мулкани хусусийлаштиришда хорижий сармояларни жалб қилишни рағбатлантириш чора-тадбирлари тўғрисида» 1998 йил 18 ноябрдаги 477-сон қарорига қуйидаги ўзгартиришлар киритилсин:

4-банднинг учинчи хатбоши қуйидаги таҳрирда баён қилинсин:

«хорижий инвестордан корхоналар ёки акциялар пакетлари қиймати учун тўлов сифатида тушадиган хорижий валютадаги маблағлар, уларни кейинчалик Марказий банкка мажбурий тартибда тўлиқ ҳажмда белгиланган тартибда сотиш шarti билан, Ўзбекистон Республикаси Давлат мулки қўмитасининг Ўзбекистон Республикаси Марказий банкидаги махсус валюта ҳисоб рақамига ўтказилади»;

5-илованинг 9-банди қуйидаги таҳрирда баён қилинсин:

«9. «Хорижий инвестордан корхоналар ёки акциялар пакетлари қиймати учун тўлов сифатида тушадиган хорижий валютадаги маблағлар, уларни кейинчалик Марказий банкка мажбурий тартибда тўлиқ ҳажмда белгиланган тартибда сотиш шarti билан, Ўзбекистон Республикаси Давлат мулки қўмитасининг Ўзбекистон Республикаси Марказий банкидаги махсус валюта ҳисоб рақамига ўтказилади».

**Ўзбекистон Республикасининг Бош вазири Ш. МИРЗИЁЕВ**

Тошкент ш.,  
2004 йил 11 февраль,  
68-сон

**БЕШИНЧИ БЎЛИМ**

ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИНИНГ  
ҚАРОРИ

**76 «Эркин омбор» божхона режими тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2004 йил  
9 февралда 1309-сон билан давлат рўйхатидан ўтказилди*

*(2004 йил 19 февралдан кучга киради)*

Ўзбекистон Республикаси Божхона кодексининг 27-моддаси ва Вазирлар Маҳкамасининг 2003 йил 20 ноябрдаги «Божхона омбори, эркин омбор ва бож олинмайдиган савдо дўкони фаолиятини лицензиялаш тўғрисидаги низомларни тасдиқлаш ҳақида»ги 523-сонли қарорига асосан Ўзбекистон Республикаси Давлат божхона қўмитаси **қарор қилади:**

1. «Эркин омбор» божхона режими тўғрисидаги низом иловага мувофиқ тасдиқлансин.
2. Ушбу қарор Ўзбекистон Республикаси Адлия вазирлигида давлат рўйхатига олинганидан сўнг ўн кун муддат ўтгач кучга киритилсин.
3. Ушбу қарор кучга кириши билан «Эркин омбор» божхона режими тўғрисидаги вақтинчалик низом ўз кучини йўқотган деб ҳисоблансин (2000 йил 23 октябрь, рўйхат рақами 981-сон).
4. Мазкур қарорнинг ижросини назорат қилиш Раис ўринбосари С. Насиров зиммасига юклатилсин.

**Давлат божхона қўмитаси раиси Б. ПАРПИЕВ**

Тошкент ш.,  
2004 йил 20 январь,  
01-02/12-5-сон

Давлат божхона қўмитасининг  
2004 йил 20 январдаги 01-02/12-5-сонли  
қарори билан  
ТАСДИҚЛАНГАН

**«Эркин омбор» божхона режими тўғрисида  
НИЗОМ**

Мазкур Низом Ўзбекистон Республикаси Божхона кодексининг 27-моддасига ва Ўзбекистон Республикаси Вазирлар Маҳкамасининг 2003 йил 20 ноябрдаги 523-сонли «Божхона омбори, эркин омбор ва бож олинмайдиган савдо дўкони фаолиятини

---

*Ўзбекистон Республикаси Қонун ҳужжатлари тўплами, 2004 й.*



лицензиялаш тўғрисидаги низомларни тасдиқлаш ҳақида»ги қарорига мувофиқ ишлаб чиқилган.

Низом товарларни эркин омбор божхона режимига жойлаштиришда, эркин омборда сақлашда ва чиқаришда божхона операцияларини амалга ошириш, божхона тўловларини тўлаш тартибини белгилайди.

Эркин омбор — шундай режимки, бунда чет эл товарлари муайян ҳудудлар ва жойларда бож, солиқлар ва иқтисодий сиёсат чоралари қўлланилмасдан жойлаштирилади ва ишлатилади, Ўзбекистон товарлари эса экспорт режимига мувофиқ олиб чиқишда қўлланиладиган шартларга кўра жойлаштирилади ва ишлатилади.

Эркин омбор — махсус жиҳозланган ва белгиланган жой бўлиб, биноларнинг ҳудудини ва (ёки) очиқ майдончаларни ўз ичига олади ҳамда товарларни эркин омбор режимида божхона назорати остида сақлашга мўлжалланган.

### **I. Товарларни эркин омборга жойлаштириш**

1. Ўзбекистон Республикасидан олиб чиқиш ва Ўзбекистон Республикасига олиб кириш тақиқланган товарларни эркин омборда сақлашга рухсат берилмайди.

2. Бошқа товарларга зарар етказиши мумкин бўлган ёки алоҳида шарт-шароитларда сақланиши талаб этиладиган товарлар омборларда ёки эркин омборнинг бир қисми ҳисобланган ва бундай товарларни сақлаш учун махсус мослаштирилган алоҳида биноларда Ўзбекистон Республикаси қонун ҳужжатларига мувофиқ белгиланган мажбурий талабларга риоя қилинган ҳолда сақланиши керак.

3. Товарлар эркин омборга божхона органининг ваколатли мансабдор шахслари иштирокида ёки улар хабардор қилинган ҳолда жойлаштирилади.

4. Товарлар эркин омбор режимида муддатлари чекланмаган ҳолда туриши мумкин.

5. Товарларни эркин омбор режимига жойлаштириш божхона органига иловага мувофиқ тўлдирилган божхона юк декларациясини тақдим этиш йўли билан амалга оширилади.

6. Айти вақтда божхона юк декларацияси билан биргаликда олиб кирилган товарларга оид ва товарларга илова қилинувчи бошқа ҳужжатлар (юкхатлар, коносаментлар, спецификациялар, фактуралар) божхона органига тақдим қилинади.

7. Сертификатланиши лозим бўлган товарларни эркин омборга жойлаштирилганда товарларни сақлаш даврида сертификатни тақдим этилиши талаб этилмайди.

8. Хориждан олиб кирилган ўсимлик ва ҳайвонот маҳсулотларининг эркин омборга жойлаштирилиши чоғида тегишли давлат органлари томонидан, агар бундай назорат Ўзбекистон Республикаси ҳудудига олиб кириш чоғида амалга оширилмаган бўлса, фитосанитария ва ветеринария назорати амалга оширилади.

9. Эркин омборнинг нормал фаолият кўрсатишини таъминлаш учун фойдаланиладиган товарлар (масалан, ортиш-тушириш техникаси, совутиш ускунаси, компьютер техникаси, махсус кийим-бош ва ҳоказолар) божхона режими остида жойлаштирилмайди.

### **II. Товарлар билан эркин омборларда амалга ошириладиган операциялар**

10. Эркин омборда сақланаётган товарларга нисбатан уларнинг сақланишини таъминлашга оид қўйидаги операциялар амалга оширилиши мумкин:

тозалаш, шамоллатиш, қуритиш (шу жумладан иссиқлик оқимини ҳосил қилиш орқали);

сақлашнинг мақбул ҳарорати режимини ҳосил қилиш (совутиш, музлатиш, иситиш);

химоялаш ўровига жойлаштириш, химоялаш мойи ва консервантларни суртиш; занглашдан химоя қилиш учун бўяш, сақлаш қопламларини киритиш;

ташишдан олдин чиришга қарши бўёқ билан қоплаш.

11. 10-бандда қайд этилган операциялардан ташқари эркин омборга жойлаштирилган товарларга нисбатан уларни сотиш ва ташишга тайёрлаш учун қуйидаги операциялар ҳам амалга оширилиши мумкин:

туркумларга бўлиш ва жўнатмаларни шакллантириш;

ўраш, қайта ўраш, тамғалаш ва саралаш;

ортиш, тушириш ва юклаб жўнатиш;

комплектлашгача бўлган ёки иш ҳолатига келтириш билан боғлиқ оддий операциялар;

товарларни оқилона жойлаштириш мақсадида омбор ичида олиб ўтиш;

товарларни намойиш стендларида жойлаштириш ва уларнинг тестдан ўтказилиши.

Товарларга доир барча операциялар ушбу товарларнинг ТИФ ТН бўйича таснифлаш рақам кодининг тўққизинчи белгиси даражасида ўзгартирилиши билан боғлиқ хусусияти (сифати)ни йўқотмаслиги керак.

12. Эркин омборларда товарларга оид, уларнинг чакана сотилиши мустасно қилинган ҳолда, ишлаб чиқариш ва тижоратга оид операцияларнинг амалга оширилишига йўл қўйилади.

13. Эркин омборда турган товарларнинг сотилишига ёки уларга эгалик қилиш ҳуқуқини бошқа йўл билан берилишига йўл қўйилади, бундан чакана сотишлар мустасно.

14. Божхона органлари алоҳида шахсларга, агар ушбу шахслар Божхона кодекси ва Ўзбекистон Республикасининг бошқа қонун ҳужжатларининг қондаларига риоя этмаётган бўлсалар, эркин омборларда товарлар билан операциялар ўтказишни тақиқлаб қўйишлари ва уларнинг товарлардан фойдаланишини рад этишлари мумкин.

15. Қонун ҳужжатларига мувофиқ товарларнинг алоҳида тоифаларини эркин омборларга жойлаштириш чеклаб қўйилиши ёки тақиқланиши мумкин.

16. Божхона органлари эркин омборларда турган товарлар устидан божхона назоратини амалга ошириш ҳуқуқига эгадирлар.

### **III. Эркин омборларда сақланаётган товарлар ҳисоби**

17. Эркин омбор эгаси, эркин омборга тушувчи ва эркин омбордан олиб чиқилувчи товарлар ҳисобини юритиш (шу жумладан автоматлаштирилган ҳисобини юритиш) ва Ўзбекистон Республикаси Давлат божхона қўмитаси томонидан белгиланган тартибда божхона органларига ушбу товарлар тўғрисида ҳисобот тақдим этадилар ва товарлар ҳисобини олиб борувчи журнал юритадилар.

18. Эркин омбор доирасида товарлар билан юз бераётган ҳар қандай ўзгаришлар ҳисоб ҳужжатларида ва журналларида акс эттирилиши керак.

19. Божхона органининг талаби бўйича эркин омбордаги сақланаётган товарларни божхона органининг мансабдор шахси иштирокида хатловдан (инвентаризация) ўтказиш лозим.

#### **IV. Божхона тўловларини ундириш ва иқтисодий сиёсат чораларини қўллаш**

20. Товарларни эркин омбор режимига расмийлаштириш чоғида божхона йиғимлари қонун ҳужжатларига мувофиқ ундирилади.

Агар эркин омборга жойлаштирилган товарлардан бож тўловлари ундирилса, тўловлар тўланиши учун уларни омборга жойлаштирган шахс жавобгар бўлади.

21. Эркин омбор режимида турган товарларни эркин муомалага чиқариш ёки экспортга чиқариш режимларига жойлаштириганда, агар қонун ҳужжатларида бошқача тартиб назарда тутилмаган бўлса, бож, солиқлар ҳамда иқтисодий сиёсат чоралари товарнинг келиб чиқишига қараб қўлланилади.

22. Товар Ўзбекистон Республикаси ҳудудидан ташқарига олиб чиқилаётганда товарнинг келиб чиқиши тўғрисидаги сертификати мавжуд бўлмаса, унга нисбатан экспорт божи, солиқлар ва иқтисодий сиёсат чораларини қўллаш мақсадида Ўзбекистон товари деб, бошқа мақсадларда эса чет эл товари деб қаралади.

23. Эркин омбор режимига жойлаштирилаётган ва экспорт режимида Ўзбекистон Республикасидан ташқарига олиб чиқишга мўлжалланган товарлар, агар товарларни амалда олиб чиқишда экспорт божи ва солиқлардан озод қилиш ёки тўланган суммаларни қайтариш назарда тутилган бўлса, экспорт божи, солиқлардан озод қилинади, ёхуд тўланган суммалар қайтарилади. Бундай товарларни амалда олиб чиқиш бож, солиқлар қайтарилган ёки улардан озод қилинган кундан бошлаб олти ойдан кечиктирилмай амалга оширилиши лозим.

24. Ўзбекистон Республикасидан ташқарига олиб чиқилиши лозим бўлган товарлар эркин омборлардан божхона ҳудудига қайтарилганда ёхуд белгиланган муддатларда улар амалда олиб чиқиб кетилмаган тақдирда қонун ҳужжатларида назарда тутилган тартибда бож, солиқлар, шунингдек, уларнинг фоизлари тўланади.

25. Эркин омбор ҳудудида қайта ишлашга оид операцияларга тортилган чет эл товарларига нисбатан бож, солиқлар қонун ҳужжатларида назарда тутилган тартибда ундирилади.

26. Агар товарларнинг эркин омбордан олиб чиқилишида божхона мақсадлари учун товарларнинг мақомини аниқлашнинг иложи бўлмаса, товарлар Ўзбекистон Республикаси божхона ҳудудидан ташқарига олиб чиқиш чоғида қайта ишлашга оид операциялар қўлланилмайдиган Республика товарлари сифатида, қолган ҳолларда эса чет эл товарлари сифатида кўриб чиқилади.

#### **V. Эркин омбор эгаси билан божхона органи ўртасидаги ўзаро муносабатлар**

27. Омбор эгаси омбор, омборда сақланаётган товарлар туридан, унинг чиқарилиш имкониятидан ва унинг фаолият кўрсатиши билан бевосита алоқадор бошқа омишлардан келиб чиққан ҳолда эркин омбор божхона режимидан фойдаланиш қоидаларини божхона органи билан келишиб тасдиқлайди.

28. Қоидаларда куйидагилар белгиланади:

божхона органининг эркин омбор, шу жумладан божхона органи ходимлари учун хоналарнинг ҳам ташкил этилиши ва жиҳозланишига оид талаблари;

омбордаги иш тартиби;

товарларни ҳисобга олиш шакллари;

омбор эгаси томонидан эркин омборда сақланаётган товарлар тўғрисидаги ҳисоботни тақдим этиш шакллари ва муддатлари;

омборнинг фаолият юритиши билан боғлиқ бошқа талаб ва шартлар.

29. Кўрсатиб ўтилган қоидалар мазкур Низомга ва божхона тўғрисидаги қонун ҳужжатларига зид келиши мумкин эмас.

## VI. Яқунловчи қоидалар

30. Ушбу Низом талабларини бузган шахслар Ўзбекистон Республикасининг амалдаги қонунчилигида назарда тутилган тартибда жавобгарликка тортиладилар.

«Эркин омбор» божхона режими  
тўғрисидаги низомга  
ИЛОВА

### I. Эркин омбор божхона режимига жойлаштириладиган товарларни расмийлаштиришда БЮДни тўлдириш тартиби

Декларант томонидан БЮД асосий варағининг қуйидаги устунлари ва қўшимча варақларнинг тегишли устунлари тўлдирилади:

1. Ўзбекистон Республикаси божхона ҳудудида эркин муомалада бўлган Ўзбекистон товарларини расмийлаштириш вақтида 1, 2, 3, 4, 5, 6, 8, 9, 11, 13, 14, 17, 17а, 18, 19, 20, 21, 22, 23, 24, 25, 26, 28, 29, 31, 32, 33, 35, 37, 38, 39, 41, 42, 43, 44, 46, 47, 49, 50, 54, А (БЮД асосий варағида), В, С.

2. Ўзбекистон Республикаси божхона ҳудудида илгари бошқа божхона режимида жойлаштирилган товарларни расмийлаштириш вақтида 2-бандда кўрсатилган устунларга қўшимча равишда 15, 15а, 40, 53-устунлар тўлдирилади.

3. 1 ва 2-бандларда кўрсатиб ўтилган устунлар (1, 9, 17, 17а, 44, 49, 50-устунлардан ташқари), Ўзбекистон Республикаси Давлат божхона қўмитаси томонидан 1999 йилнинг 24 сентябрида тасдиқланган «Божхона юк декларациясини тўлдириш тартиби тўғрисида»ги Йўриқноманинг (кейинги ўринларда — Йўриқнома) (1999 йил 3 ноябрь, рўйхат рақами 834-сон) 3-бўлимига, яъни «Экспорт божхона режимида жойлаштириладиган товарларга оид БЮДни тўлдириш қоидалари»га мувофиқ тўлдирилади.

4. Божхона органининг мансабдор шахслари томонидан БЮД асосий варағининг устунлари ва қўшимча варақларнинг тегишли 7, А (қўшимча варақларда) Д устунлари тўлдирилади.

Кўрсатилган устунлар Йўриқноманинг 3-бўлими, яъни «Экспорт божхона режимида жойлаштирилган товарларга оид БЮДни тўлдириш қоидалари»га мувофиқ тўлдирилади.

5. 1, 9, 44, 49, 50-устунларни тўлдириш қуйидаги ўзига хос жиҳатларга эга:

1-устун. «Декларация тури»:

устуннинг биринчи бўлинмасида товарларни йўналиши «ЭК» кўрсатилади;

устуннинг иккинчи бўлинмасида товарларни божхона чегараси орқали олиб ўтишга оид тадбирлар таснифномасига мувофиқ божхона режимининг икки белгили коди кўрсатилади;

учинчи бўлинмада қуйидагилар кўрсатилади:

«1» — агар шахс эркин омборга ўзи томонидан ишлаб чиқарилган маҳсулотни жойлаштиради;

«0» — агар шахс эркин омборга ўзи томонидан ишлаб чиқарилмаган маҳсулотни жойлаштиради.

9-устун. «Молиявий тўловлар учун жавобгар шахс»:

устунда товарларни эркин омборга жойлаштирган шахснинг номи ва почта манзили кўрсатилади. Устунни тўлдириш тартиби Йўриқноманинг 3-бўлимида, яъни «Экспорт божхона режимида жойлаштирилладиган товарларга оид БЮДни тўлдириш қоидалари»да келтирилган устунни тўлдириш тартибига ўхшаган бўлади.

17-устун. «Тайин этилган мамлакат»:

устунда «Эркин омбор/Ўзбекистон» кўрсатилади.

17а-устун. «Тайин этилган мамлакат коди»:

устунда жаҳон мамлакатлари таснифномасига мувофиқ Ўзбекистон Республикасининг коди кўрсатилади.

44-устун. «Кўшимча ахборот/тақдим этиладиган ҳужжатлар»:

устун Йўриқноманинг 3-бўлими, яъни «Экспорт божхона режимида жойлаштирилладиган товарларга оид БЮДни тўлдириш қоидалари»га мувофиқ тўлдирилади.

Бундан ташқари, 8 рақами остидаги устунда товарларни эркин омборга жойлаштирадиган шахс билан эркин омбор эгаси ўртасида тузилган шартноманинг рақами ва санаси кўрсатилади.

49-устун. «Омборнинг номи»:

устунда эркин омборни таъсис этилишига оид берилган лицензиянинг рақами ва санаси кўрсатилади.

50-устун. «Ишончнома берувчи шахс»:

устун Йўриқноманинг 3-бўлими, яъни «Экспорт божхона режимида жойлаштирилладиган товарларга оид БЮДни тўлдириш қоидалари»га мувофиқ тўлдирилади.

«Экспорт» божхона режимига мувофиқ Ўзбекистон Республикаси ҳудудидан ташқарига эркин омбордан олиб чиқиб кетилиши учун мўлжалланган Ўзбекистон товарларини расмийлаштириш вақтида ушбу устунга киритилладиган маълумотларга кўшимча равишда товарлар омбордан олиб чиқиб кетилиши керак бўлган сана ҳам кўрсатилади.

## **II. Ўзбекистон Республикасига олиб кириладиган ва эркин омбор божхона режимида жойлаштирилладиган товарларни расмийлаштиришда БЮДни тўлдириш қоидалари**

1. Декларант томонидан БЮДнинг асосий варағини куйидаги устунлари ва кўшимча варақларнинг тегишли устунлари тўлдирилади: 1, 2, 3, 4, 5, 6, 8, 9, 11, 13, 14, 15, 15а, 18, 19, 20, 21, 22, 23, 24, 25, 26, 28, 29, 31, 32, 33, 35, 37, 38, 41, 42, 44, 46, 47, 49, 50, 53, 54, А (БЮДнинг асосий варағида), В, С.

2. Кўрсатилган устунлар (1, 44, 49-устунлардан ташқари) Йўриқноманинг 6-бўлими, яъни «Эркин муомалага (импорт) чиқариш режимида жойлаштирилладиган товарларга оид БЮДни тўлдириш қоидалари»га мувофиқ тўлдирилади.

3. Божхона органининг мансабдор шахслари томонидан БЮД асосий варағининг устунлари ва кўшимча 7, А (кўшимча варақларда), Д варақларнинг тегишли устунлари тўлдирилади.

Кўрсатилган устунлар Йўриқноманинг 3-бўлими, яъни «Экспорт божхона режимида жойлаштирилладиган товарларга оид БЮДни тўлдириш қоидалари»га мувофиқ тўлдирилади.

4. 1, 44, 49-устунларнинг тўлдирилиши куйидаги ўзига хос жихатларга эга:

1-устун. «Декларация тури»:

устуннинг биринчи бўлинмасида товарларни йўналиши — «ИМ» кўрсатилади; устуннинг иккинчи бўлинмасида товарларни божхона чегараси орқали олиб

ўтишга оид тадбирлар таснифномасига мувофиқ божхона режимининг икки белгили коди кўрсатилади;

учинчи бўлинмада қуйидагилар кўрсатилади:

«1» — агар шахс ўз эҳтиёжлари учун мўлжалланган маҳсулотни эркин омборга жойлаштиради;

«0» — агар шахс ўз эҳтиёжлари учун мўлжалланмаган маҳсулотни эркин омборга жойлаштиради.

44-устун. «Қўшимча ахборот/тақдим этиладиган ҳужжатлар»:

устун Йўриқноманинг 6-бўлими, яъни «Эркин муомалага (импорт) чиқариш режимида жойлаштириладиган товарларга оид БЮДни тўлдириш қоидалари»га мувофиқ тўлдирилади.

Бундан ташқари, 8 рақами остидаги устунда товарларни эркин омборга жойлаштирувчи шахс билан эркин омбор эгасининг ўртасида тузилган шартноманинг рақами ва санаси кўрсатилади.

49-устун. «Эркин омборнинг номи»:

устунда эркин омборни таъсис этилишига оид берилган лицензиянинг рақами ва санаси кўрсатилади.

### **III. Эркин омбордан чиқариладиган ва Ўзбекистон Республикасидан олиб чиқариладиган товарларни расмийлаштириш вақтида БЮДни тўлдириш қоидалари**

1. Эркин омбордан Ўзбекистон Республикаси ҳудудидан ташқарига чиқариладиган товарларни расмийлаштиришда қуйидагиларни ҳисобга олган ҳолда БЮДни тўлдириш қоидалари қўлланилади:

«Экспорт» божхона режимига мувофиқ олиб чиқариладиган товарлар учун:

9, 28, 36, 39, 43, А, С-устунлари тўлдирилмайди.

44-устуннинг тўлдирилиши қуйидаги ўзига хос жиҳатларга эга:

устунда рақам остида қуйидагилар кўрсатилади:

2 — товар-транспорт ҳужжатлари, ҳисоб-фактуралар, инвойсларнинг рақамлари;

3 — шартноманинг (контрактнинг, келишувнинг), шартномага қўшимчанинг рақами ва санаси, шунингдек шартноманинг умумий суммаси;

4 — бошқа давлат органларининг (уларнинг номлари кўрсатилган ҳолда), агар товарлар ушбу органларнинг назорати остида бўлган тақдирда, рухсатноманинг берилиш рақами ва саналари;

7 — товарнинг келиб чиқиши тўғрисидаги сертификат рақами ва санаси;

8 — божхона расмийлаштируви вақтида зарур бошқа ҳужжатлар ва маълумотлар.

### **IV. Эркин омбордан чиқариладиган ва Ўзбекистон Республикаси ҳудудига олиб кириладиган товарларни расмийлаштиришда БЮДни тўлдириш қоидалари**

Эркин омбордан Ўзбекистон Республикаси божхона ҳудудига чиқариладиган товарларни расмийлаштиришда қуйидагилар ҳисобга олинган ҳолда БЮДни тўлдириш қоидалари қўлланилади:

15-устунда «Ўзбекистон/эркин омбор» кўрсатилади;

15а-устунга Жаҳон мамлакатлари таснифномасига мувофиқ Ўзбекистон Республикаси коди қўйилади.

ЎЗБЕКИСТОН РЕСПУБЛИКАСИ МОЛИЯ ВАЗИРИНИНГ  
БУЙРУҒИ**77** Бюджет муассасалари ва ташкилотлари ходимлари-  
ни моддий рағбатлантиришнинг махсус жамғармаси  
тўғрисидаги низомга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2004 йил  
9 февралда 177-2-сон билан давлат рўйхатидан ўтказилди*

*(2004 йил 19 февралдан кучга киради)*

Ўзбекистон Республикаси Вазирлар Маҳкамасининг «Давлат ва хўжалик бошқаруви республика органларининг бошқарув ходимлари сонини мақбуллаштириш ва қисқартириш тўғрисида»ги 2004 йил 5 январдаги 1-сон қарорига мувофиқ **бую-  
раман:**

1. Ўзбекистон Республикаси Молия вазирлиги томонидан 1995 йил 8 сентябрда 98-сон билан тасдиқланган Бюджет муассасалари ва ташкилотлари ходимларини моддий рағбатлантиришнинг махсус жамғармаси тўғрисидаги низомни (1995 йил 20 сентябрь, рўйхат рақами 177-сон — Меъёрий ҳужжатлар ахборотномаси, 2002 йил 6-сон) II-бўлимининг биринчи хатбошидаги иккинчи гап қуйидаги тахрирда баён этилсин:

«Ҳукумат қарорларида белгиланган ҳолларда, ушбу жамғармага бошқарув ходимларининг сони қисқариши муносабати билан бўшаб қоладиган ва ходимларни моддий рағбатлантиришга йўналтириладиган маблағлар ҳам йўналтирилади».

2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кундан ўтгандан кейин амалга киритилсин.

**Молия вазири М. НУРМУРАТОВ**

Тошкент ш.,  
2004 йил 20 январь,  
22-сон

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ МЕХНАТ ВА АҲОЛИНИ ИЖТИМОЙ  
МУҲОФАЗА ҚИЛИШ ВАЗИРЛИГИНИНГ  
ҚАРОРИ

**78** **Бошқарув аппарати ходимлари сони қисқариши муносабати билан бўшаб қоладиган маблағлардан фойдаланиш тартиби тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2004 йил  
9 февралда 1310-сон билан давлат рўйхатидан ўтказилди*

*(2004 йил 19 февралдан кучга киради)*

Ўзбекистон Республикаси Вазирлар Маҳкамасининг «Давлат ва хўжалик бошқаруви республика органларининг бошқарув ходимлари сонини мақбуллаштириш ва қисқартириш тўғрисида»ги 2004 йил 5 январдаги 1-сон қарорининг 5-бандига мувофиқ Ўзбекистон Республикаси Молия вазирлиги ва Меҳнат ва аҳолини ижтимоий муҳофаза қилиш вазирлиги **қарор қилади:**

1. Бошқарув аппарати ходимлари сони қисқариши муносабати билан бўшаб қоладиган маблағлардан фойдаланиш тартиби тўғрисидаги низом иловага\* мувофиқ тасдиқлансин.

2. Ўзбекистон Республикаси Молия вазирлиги ва Меҳнат ва аҳолини ижтимоий ҳимоя қилиш вазирлигининг 2002 йил 26 февралдаги «Сон жиҳатидан қисқартирилганлиги туфайли бошқарув идораларини таъминлаш учун харажатларни молиялаш тартиби тўғрисидаги низомни тасдиқлаш ҳақида»ги 20 ва 72-сон қарор (2002 йил 13 март, рўйхат рақами 1116-сон — Меъёрий ҳужжатлар ахборотномаси, 2002 йил 5-сон) ўз кучини йўқотган деб ҳисоблансин.

3. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин амалга киритилсин.

**Молия вазири М. НУРМУРАТОВ**

Тошкент ш.,  
2004 йил 20 январь,  
20-сон

**Меҳнат ва аҳолини ижтимоий муҳофаза қилиш  
вазири А. ОБИДОВ**

Тошкент ш.,  
2004 йил 20 январь,  
72-сон

---

\* Илова рус тилидаги матнда берилади.



ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНING  
ҚАРОРИ

**79** Алоҳида турдаги тадбиркорлик фаолияти билан шуғулланаётган юридик ва жисмоний шахслар учун қатъий белгиланган солиқни ҳисоблаб чиқариш ва тўлаш тартиби тўғрисидаги низомга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2004 йил  
13 февралда 1218-1-сон билан давлат рўйхатидан ўтказилди*

*(2004 йил 23 февралдан кучга киради)*

Ўзбекистон Республикаси «Давлат солиқ хизмати тўғрисида»ги Қонунининг 7-моддаси ва Ўзбекистон Республикаси Вазирлар Маҳкамасининг 2003 йил 25 декабрдаги «Ўзбекистон Республикаси Давлат бюджетининг 2004 йилдаги параметрлари тўғрисида»ги 567-сон қарорига асосан **қарор қиламиз:**

1. Ўзбекистон Республикаси Молия вазирлиги ва Давлат солиқ қўмитасининг 2003 йил 31 январдаги 24-сон ва 2003-19-сон қарори (2003 йил 16 февраль, рўйхат рақами 1218-сон — Меъёрий ҳужжатлар ахборотномаси, 2003 йил, 4-сон) билан тасдиқланган Алоҳида турдаги тадбиркорлик фаолияти билан шуғулланаётган юридик ва жисмоний шахслар учун қатъий белгиланган солиқни ҳисоблаб чиқариш ва тўлаш тартиби тўғрисидаги низомнинг 6-банди тўртинчи хатбоши қуйидаги таҳрирда баён этилсин:

«пул (буюм) ютуқли таваккалчиликка асосланган ўйин автоматлари, шу жумладан ўйин автоматлари залларини ташкил этиш бўйича фаолият;».

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Молия вазири М. НУРМУРАТОВ**

Тошкент ш.,  
2004 йил 30 январь,  
27-сон

**Давлат солиқ қўмитасининг раиси Д. САЙФИДДИНОВ**

Тошкент ш.,  
2004 йил 30 январь,  
2004-17-сон

**Ўзбекистон Республикаси**  
**Адлия вазирлиги маълум қилади:**  
**вазирликлар, давлат қўмиталари ва идораларининг**  
**умумий мажбурий тусдаги меъёрий ҳужжатларини давлат**  
**рўйхатидан ўтказиш ҳолати тўғрисида**  
**2004 йил 7 февралдан 13 февралгача бўлган маълумот**

**I. Давлат рўйхатидан ўтказилди:**

1. «Эркин омбор» божхона режими тўғрисидаги низомни тасдиқлаш ҳақида» *Ўзбекистон Республикаси Давлат божхона қўмитасининг 2004 йил 20 январдаги 01-02/12-5-сон қарори.*

*2004 йил 9 февралда 1309-сон билан рўйхатдан ўтказилди (2004 йил 19 февралдан кучга киради).*

2. «Бюджет муассасалари ва ташкилотлари ходимларини моддий рағбатлантиришнинг махсус жамғармаси тўғрисидаги низомга ўзгартиришлар киритиш ҳақида» *Ўзбекистон Республикаси Молия вазирининг 2004 йил 20 январдаги 22-сон қарори.*

*2004 йил 9 февралда 177-2-сон билан рўйхатдан ўтказилди (2004 йил 19 февралдан кучга киради).*

3. «Бошқарув аппарати ходимлари сони қисқариши муносабати билан бўшаб қоладиган маблағлардан фойдаланиш тартиби тўғрисидаги низомни тасдиқлаш ҳақида» *Ўзбекистон Республикаси Молия вазирлиги, Меҳнат ва аҳолини ижтимоий муҳофаза қилиш вазирлигининг 2004 йил 20 январдаги 20, 72-сон қарори.*

*2004 йил 9 февралда 1310-сон билан рўйхатдан ўтказилди (2004 йил 19 февралдан кучга киради).*

4. «Алоҳида турдаги тадбиркорлик фаолияти билан шуғулланаётган юридик ва жисмоний шахслар учун қатъий белгиланган солиқни ҳисоблаб чиқариш ва тўлаш тартиби тўғрисидаги низомга ўзгартиришлар киритиш ҳақида» *Ўзбекистон Республикаси Молия вазирлиги, Давлат солиқ қўмитасининг 2004 йил 30 январдаги 27, 2004-17-сон қарори.*

*2004 йил 13 февралда 1218-1-сон билан рўйхатдан ўтказилди (2004 йил 23 февралдан кучга киради).*

**II. Давлат реестридан чиқарилди:**

1. «Эркин омбор» божхона режими тўғрисида вақтинчалик низом. *Ўзбекистон Республикаси Давлат божхона қўмитаси томонидан тасдиқланган (23.10.2000 й., рўйхат рақами 981).*

*Адлия вазирининг 2004 йил 9 январдаги 28-мҳ-сон буйруғи билан реестрдан чиқарилди.*

2. Сон жиҳатидан қисқартирилганлиги туфайли бошқарув идораларини таъминлаш учун харажатларни молиялаш тартиби тўғрисида низом. *Ўзбекистон Республикаси*

публикаси Молия вазирлиги, Меҳнат ва аҳолини ижтимоий муҳофаза қилиш вазирлиги томонидан тасдиқланган (15.03.2002 й., рўйхат рақами 1116).

*Адлия вазирининг 2004 йил 9 январдаги 30-мҳ-сон буйруғи билан реестрдан чиқарилди.*

**Мазкур ҳужжатлар янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.**

### **III. Давлат рўйхатидан ўтказилиши лозим эмас:**

1. «Section-416(b)» дастури доирасида олинадиган грант маблағлари ҳисобига қишлоқ хўжалиги ишлаб чиқаришини ривожлантириш лойиҳаларини маблағ билан таъминлаш ва улар амалга оширилишининг мониторингини олиб бориш тўғрисида низомни тасдиқлаш ҳақида» *Ўзбекистон Республикаси Молия вазирлиги, Иқтисодиёт вазирлиги, Ташқи иқтисодий алоқалар агентлигининг қарори.*

**Мазкур ҳужжат якка тартибдаги хусусиятга эга. У белгиланган тартибда кўрсатилган вазирлик ва идоралар томонидан тасдиқланиб, кучга киритилиши мумкин. Адлия вазирлигида давлат рўйхатидан ўтказилиши лозим бўлмаган меъёрий ҳужжатларда амалдаги қонун ҳужжатларига зид қоидалар бўлмаслиги лозим.**

